


**PL
2705
.I261
v.1**



新編

增補

卷三

伏子詩錄古堂

同治紀元三月會稽趙之謙題



國朝元二年金

龍藏寺

敘

學問之道爲之於舉世不爲之日者必其人之志不凡
而其成可以傳後者也昌黎之於文淵明之於詩是也
降及近代震川之文空同之詩亦猶是也舉世之所不
爲而一人獨毅然爲之其識已超乎流俗故其成也可
傳於後以余久處京華得交四方英俊所見詩集以至
零篇多矣其未脫時趨者則或工溫李或耽元白間有
一二傑出之才沉着者追少陵豪放者師太白唯昌黎
山谷二家無人躡迹卽有一卷之中一二篇相似一篇

之中一二語相似者未有積句成篇積篇成卷無不從
兩家出者由兩家詩境高峻攀陟爲難也今讀弢叔詩
則古體皆法昌黎近體皆法山谷無一切諧俗之語錯
雜其間戛戛乎其超出流俗矣雖然由斯道也可傳於
後而不適於時猶古錦之不可爲衣裳古樂之不可娛
賓客而詩之品則益高矣夫旣爲之於舉世不爲之日
又豈望其適時耶弢叔甫屈立年精識同於耆宿方有
志於身心之學經籍之功未嘗汲汲欲以其詩問世余
謂是希世之璞也故不待其請而爲之序

自序

憶束髮受書之日先君舉藏書見付輟舉業讀之十餘
年間於學無不窺然迄無成獨詞章稍有心悟而於詩
學之尤力道光癸卯年二十六始遊京師時則已徧參
古人之製得其各自成者而益有悟焉明年甲辰從殷
述齋學使於山左作泛舟大明湖以下諸詩竊自喜秘
諸行篋雖同舍不與觀後三年丁未從表丈彭詠莪先
生於閩中先生喜言詩始呈前作先生讀之驚曰汝筆
力已到昌黎山谷後必大成吾爲作序俟汝集行世以

吾文附焉幸矣余見先生語重急避席謝不敏先生曰
吾爲汝嫻長豈欺汝者且吾文雖不工亦豈妄爲人作
序汝第勉之余自是思欲勉副先生之期作之益勤凡
從先生遊閩中三年詩益富及咸豐壬子在鄉薄遊華
亭屢過青浦熊蘇林一日留詩四冊而去翌日蘇林以
書復曰詩自蘇黃以後難乎爲作者君筆力挽回七百
年矣後過蘇林又見謂曰吾平生讀書一過成誦兩過
不忘愛君詩欲不忘故讀兩過試之果背誦如翻水盡
四冊不差一字後里中有傳蘇林近詩皆效拙體是歲

道光二十七年歲次丁未春正月愚表彭蘊章書於福州使院

有同郡盛艮山以詩來見艮山幼負聖童之名讀其詩亦驚絕欲更進之爲據利病艮山亦立悟急請余詩歸讀十日自焚所作二百首而來告曰詩在君矣吾前爲古人所蔽幾自誤今悟矣悟矣自是艮山學詩益苦明年復見告曰吾學君詩終爲君掩舍君則仍爲古人役求所謂自得者無有也吾且治他業以此事讓君矣艮山天挺異材蘇林學博才富二君於文學空一世而見推如此余益稍稍自信云又後七年庚申余方以卑官需次浙江值二月杭城之變不得死亂定後叢稿都盡

獨詩集有相知收得見還爲同宦友人徐仲水所見仲
水曰君詩自難磨滅然世變時宜速刊布吾爲君成之
時仲水窘甚余笑而漫應也明年春余在永嘉仲水忽
遣使來受詩稿書言署東陽縣事之官日於杭城募剗
刷工俱來將踐前諾余留使十日而聞金華驟陷卽東
陽危在旬日事乃止是秋永嘉有土寇之變余攜詩重
來福州老友符雪樵丈相見驚喜慰勞外卽問詩稿存
否爲述前事雪樵笑曰吾無縣印不憂賊至獨不可爲
徐君竟其志乎然雪樵視仲水尤窘余諾之而難於相

累則爲螺洲陳氏授經以束修所得若干金反助雪樵
越數月而十五卷之刻以成時同治元年壬戌三月也
嗚呼余窮於世晚而以詩人自見乃遭逢離亂嬰千古
詩人未有之慘將終身爲禮崩樂壞之人以何肺腑更
吟風月卽前此區區千首之詩與他文并付劫灰亦復
奚惜而一二窮交獨珍護於兵火之餘至不憚節衣縮
食爲登梨棗若萬萬不忍聽其灰滅無傳者益滋愧矣
余詩誠傳世後當自有定論不敢挾數君子之推許以
自矜重惟念經變以來平生親舊至交存亡乖隔多可

感者卽如彭先生以大臣蒿目時艱未暇乞退而余轉徙天南相見不可期蘇林艮山皆於亂前下世蘇林官戶部以葬親歸里方再出而以病死年不滿四十艮山少余十有三歲以明睿證絕學方望其爲鉅儒也不幸短命年二十七以諸生終仲水雖少年於浙江以吏材稱首東陽受代後值杭城再陷不知所之獨雪樵羈迹閩中以直道與俗齟齬卒望吏議曰益窮老方與余爲悲天憫人伊鬱侘傺之詞以相贈答余年來身世旣如此因詩而感念親交數人死者不生生者日以零落仰

觀宇宙不自知其淚之墮也并書爲吾詩自序云彭先生前爲輔臣名氏里居不待著蘇林諱其光江蘇青浦人艮山諱樹基余同郡元和人仲水名之鑑貴州開泰人雪樵名兆綸江西宜黃人彭先生序已遺失茲於歸樸龕稿中錄出急登爲首簡焉

同治元年壬戌三月長洲江湜書於福州

板存福省南後街宮

巷口吳玉田刻字鋪

題詞

南通州徐宗幹



瓦缶滿市忽睹鼎簋淫哇盈耳倏聆宮徵大雅正始古人復起時俗靡靡方茲褊矣

宜黃符兆綸

百家入大鑪鑄成一箇我以我御古人縱橫無不可如逢作畫人解衣盤礴裸照空曙雲霞微光愧燭火

草堂闢雲扃響發古鐘磬獨來長松下彈琴山月正秋苔裂石縫微泉轉山徑山空有猿鶴冷語輒相應

長洲蔣如洛

一往天機自在流
詩情渾似白江州
傷時短盡英雄氣
作客同懷去住愁
刊落浮華空五色
直抒真性契千秋
心聲寫出從人看
要向無人愛處求

海鹽陳其泰

下筆百篇驟讀書
萬卷空才豪
謫仙客律細
浣花翁壯
譽馳燕北新
吟滿浙東爨
中方發響誰
賞半焦桐
口吸青天月
心涵太古春
我從詩卷裏
突兀見斯人
四海無容膝
西湖好寄身
冲霄看劍氣
如子豈長貧

鄱陽陳 宇

君詩具根柢一掃門戶累落筆辭追新抗古樹一幟讀
書萬卷破及詩爲餘事百年七尺軀焉肯坐此敝用世
試官能軍興弛吏治雖不着儒冠終難可人意所以原
揚雄得無惜賈誼三復增長吁與予同侪憶昔託江
乘倉皇陷烽燧高城旣瓦解吾家等玉碎至今一寸心
猶係九原淚隱痛何可言因君集憂愧
庚申賊陷姑蘇
張叔志哀詩九
首讀之
增痛
旅跡常漂搖悲鳴復誰寄掩卷聽城烏徬徨不
能睡

桐城吳鴻謨

蘇黃不作遺山死瓦缶雷鳴黃鐘毀古意久已墮渺茫
蠅聲營亂恹心耳有如虞招在漢代大樂空存曰文始
丙疆宣武奏名倡五侯貴戚競淫靡邯鄲鼓員繩絃工
眞氣已亡骨亦骭忽見飛來孤鳳凰凡鳥噤口不敢視
我思神物爲上瑞豈有文鸞困棘枳開元大鳥爲少留
今日之鳳母乃是不獨文章世共驚比十二筩協宮徵
斯人早生七百年元祐諸賢應耦比丞相彭公有眞賞
羣空冀北識駸駸坐使吏隱醉西湖憔悴風塵百僚底

忍飢苦吟愁腎肝武林幾幾連天起高門大屋燒成灰
亂後一編得之市虹光未許蒿萊埋呵護知有鬼神使
天其以是掃滛哇賊火不敢圭瓚燬平生傾倒已十秋
鳩鶩無從逐鵬徙況經喪亂賊中來舊學已荒口空哆
昨見佳句流人間閩中一日傳百紙難脂夜坐雜誦之
清風習習泉流齒每疑此非人力爲文本天成絕依倚
虎搏胡鬚不足論色正芒寒日躔軌語皆獨出無古初
驅使雄鷲加鞭箠或如鏖戰戈鋒鋌猿臂將軍飛一矢
或如神劍聲摩空手斬老蛟血凝紫或如萬壑千巖間

煙雲變幻峽傾水造意入微鬼夜哭照澈空潭見遊鯉
陰翳解駮吐明月瀉入我心濯泥滓正如觀樂在東魯
吾於君詩歎觀止破門驚見夜光投倒屣謹迎走折趾
豈徒背癢仙爪爬立起膏肓愈瘡痂方今 詔書求賢
才擢拔箇箠收杞梓東南塵霾箭滿眼走章馳檄須奇
士會除狂寇萬里行君詩有劍乎有志除狂寇擊筑高
歌望吾子

臨川李聯琇

此詩已佚今從好
雲樓初集錄出

我與弢叔友蒙疾發深癰我讀弢叔詩鈍根豁通悟開

卷摹韓終運杜中間博涉蘇黃趣觀其自言所作位置

處伊鬱東野懷清奇后山句

集中有旅懷伊鬱孟東野句律清奇陳后山二語自

道其詩

要亦援古士不遇豈爲前賢郭郭住翩然被髮赤

手縛麒麟自我操縱六轡均脂化琥珀忘松身肺肝槎
牙心輪囷造語非復人間聞實皆探喉各欲云尋常自
奇怪自真散爲怡渙波瀾淪致極盡變窮滄津吁嗟榛
塗塞千春木石磨颺疑韶鈞相憐夔蛇猶等倫秤星爭
較錙銖分廓而清之利鋤耘洗出真面江詩人江詩人
恣幽討朝歛暮暗不可道我欲置之蓬萊島變爾商聲

廣麗藻惜哉不解時俗俳優詞干將補履不如錐且復
剪翎觀羣飛鞭笞鸞鳳常邀嬉頡頏兩鳥非君誰

元和顧大昌

行兩萬里歧路積四十年灰心不信依然叟未試聽千
首苦吟

伏敵堂詩錄總目

第一卷古今體詩六十一首

第二卷古今體詩五十一首

第三卷古今體詩四十九首

第四卷古今體詩八十六首

第五卷古今體詩一百三首

第六卷古今體詩七十首

第七卷古今體詩七十首

第八卷古今體詩六十六首

第九卷古今體詩六十二首

第十卷古今體詩九十九首

第十一卷古今體詩五十四首

第十二卷古今體詩五十五首

第十三卷古今體詩七十六首

第十四卷古今體詩一百三首

第十五卷古今體詩八十五首

續錄總目

第一卷古今體詩九十五首

第二卷古今體詩一百三十三首

第三卷古今體詩九十五首

第四卷古今體詩三十一首

伏敵堂詩錄卷一

戊戌

長洲江
湜弢叔甫

詠懷二首

清風動帷幙，月白夜疑曙。
愁思從何來，投入靜中慮。
候蟲何感激，驚秋泣涼露。
小人乘化遷，君子安貞固。
孰是業修名，而乃信運數。
虛室盡無情，所思爲誰訴。

夜半更惆悵，擊柱長歎息。
失卻千里夢，一燈耿虛壁。
飛霜下嚴更，庭戶氣凝白。
已秋不復夏，坐中歲時積。
曉起星斗曙，暮歸牛羊夕。
蜣蜋一世間，筴鳥翦雙翼。
十二通

詩書十三弄筆墨飢寒固自取悲與世無益

己亥

哭從兄練飛

水

六首

吾宗久哀替支少不成族從祖多宦遊遠附燕秦俗曹
鄒最爾邦仍看百里蹙逮昔大父時蒸嘗僅孤續哀薄
更顛連秋林無榮木孫輩雖數人幼者卅兩角甚或蠢
且頑慧止等菽粟而我亦驚緩短才困干祿愧彼日中
葵有蔭尙衛足稟承嗣大宗父書不能讀仰維吾兄賢
持爲宗祊福

吾兄夙岐嶷壯志薄層霄少長涵而揉詩禮爲薰陶挫
鍊既沉靜氣質凝不驕終是鏌鋣劍韜光不爽豪挺身
貧賤中可折不可撓矯志洵不羣齷齪豈所曹顧我獨
許可謂當聯軫鑣

兄昔愛我文陋癖嗜歎芟延譽挂齒頰俗嘲有不避偶
見詩一章輒許華國器我才諒非稱益以重兄意古稱
知己難得此洵不易轉恐辜厚望用是自刻勵相期敦
樸學經術飾吏治詞賦止榮身未足療時弊卽今偶蹉
跌造物亦深至健行取諸乾迺賤敢自棄

續學未及成家運如陽九皇天奪我賢鬼伯捉其肘昔
年痛失恃母子情莫剖擗踊拊棺和淚盡成枯朽去夏
四月間咯血歐數斗纏綿一寒暑盧跗爲束手將病推
厥根豈緣至性厚滅性乃不孝君子指爲垢母死父在
堂奈不恤厥後兄賢想未然我意亦云否要知家運剝
天意劇芻狗爲善例受譏此旤丁其偶

聚散十年中死生一朝決彌留欠一面撫棺重嗚咽總
帳颯淒風秋蟾弔清絕幻想病時容魂靈倘凝結目瞪
不成斛斷夢如刀截空聽徹簾書盡爲飢鼠嚙支牀折

腳鐺猶是爲君設耳目滿餘痛五情慮將竭所爲吾兄
悲身名兩銷滅

死者長已矣雪涕將何爲達人比懸解生寄死則歸但
恐吾兄心忡惕多所違哀親善沉疴頤養將貽誰祖先
瞰俎鼎親串瞻門楣寂寞身後事厥咎何能追負兄知
我深未能早相規空成萬恨濃不解窮泉悲從今茆家
政一一可嗟唏憤激理舊業顧影良自疑有如蛩失厓
首尾靡所依車無偏轂轉鳥不隻翼飛百年恨已結眇
眇若綆縻

論古五首

李斯執羸柄毒螫汙天地彌合祖龍心
蘭陵豈預基緣何東坡翁指摘以文致
不見河南守治行入高第學於李斯門
反變爲循吏人性有萬殊美惡譬諸器
吳起不葬母冉有附權季鍛鍊以爲能
曾孔皆滋議六國紛戰爭術士擁權利
鑽秦與湊燕談舌掉不做倒行免顛蹶
相印取如寄誰能嫉俗世論兵本仁義
論世始知人詎容徇偏意孟醇荀小疵
昌黎有位置

淵明親在時曾作州祭酒欲爲弦歌資
亦緇彭澤綬適

逢晉祚移脫然歸田畝折腰向小兒此言乃藉口孰云
忠孝殊一人不兼咎鄙哉李令伯陳情一何醜僞朝斥
蜀漢急急用自剖無論多諱詞其心豈忠厚倘遇王陵
母義不忍此垢

操刀貴能割躊躇自貽悔何況君側姦臨事尙豫怠陳
蕃與竇武志勇才實猥空懷忠義心碎首竟何罪遷延
拜章奏得母氣自餒經世須實用未害詐與給奇兵不
列陣沉機要伺殆不密終害成將身充菹醢所以諸葛
公不取孔北海

在昔六藝缺散滅爲秦灰紛紜楚漢爭儒雅棄塵埃短
衣叔孫生希世何能爲參也聘蓋公陋識吁可哀浸淫
文景後黃老無人排偉哉漢武帝力闢蒿與萊六經各
得職盛業何巍巍惜其任張騫鑿空爲禍胎遠通身毒
國漸致佛氏來亂華侮聖經千古以爲災事成有歸獄
首禍將爲誰始終一不慎功罪斯相乖

子雲反離騷意謂三閭愚固知志節淺不能立廉隅要
其美新作又非甘爲諛名山業未完歆道求全軀其意
固若曰龍德潛泥塗所以不免歸實戀中秘書徊翔天

祿閣得非爲此歟詎知後儒嚴史筆窮其辜吾嘗讀元
經輟卷三歎吁如其終附莽侯綬何難紆奚爲官不遷
僅免膏磔鈇論罪當鞠情庶無冤且誣罪有百雄者輕
重宜別殊願進紅休侯移贈莽大夫

歲暮感懷三首

年長心易怯薄植苦難恃誠恐加我年悠忽仍如此古
人六十化進道焉知止喟我秉不才守拙實所矢少長
逼飢寒揣摩希祿仕澹泊誠未能趨營亦自恥無成逮
十年日月倏如駛出處兩相違慚愧馬牛齒

哀門百無望惓惓在昆季自顧良無成此心乃彌至何
期比年來家運劇凋敝阿兄抱奇才一瘦竟成瘵深爲
門戶傷兼悼平生契噉噉征雁鳴觸耳皆成涕死者不
可生成材看弱弟

流俗敗人意閉門樂孤寂空宇縱寥寥詎肯受殘客嗟
我平生歡窮居依草澤偃仰或無成持身實清白披衣
偶相思縷繆開談席周旋失意中情隨歲時積長大互
相看微尙真可惜

庚子

六言八首

遲日又溫歧手寒宵聳賈島肩枯魚誰煦流沫餓犬自
喫饒涎

短才既如襪線笑臉強作韉紋骨節自憐不媚戲嬉聊
復成文

舊交日來咄咄窮鬼常視耽耽老我爲郎便足送人作
郡何堪

次山上聲叟號魯望作散人歌但解我聞如是不知人
謂之何

奇窮何如庸福才鬼終勝頑仙笑盡癡人說夢焉知慧
業生天

龍友未堪援繫牛醫亦與周旋不訝客來何晚有時我
醉欲眠

茅屋秋風杜甫露車滄海王尼泊宅近隣漁子浮家欲
混鴟夷

風卷空庭簾幙雨生破甃莓苔叩戶聽漣酒券探囊試
典琴材

秋感二首

楓葉本非花質殊桃李杏風霜爲假合渲染綴春景隨
榮亦隨落策策墮荒梗可憐幾葉紅猶弄夕陽影譬若
老逢掖忽啖紅綾餅晚景誠獨佳歲月亦垂盡何如松
柏姿蒼翠自冬嶺

物生大化中伸屈天所與草木不怨凋黃落應節序陰
蟲爾何感戚戚如私語天寒入苦吟物性有迎距徒使
孤孽魂感激愁羈旅蟄藏理固然幽恨誰憐汝

九日城外同顧潔

日隱詐將雨屢頓客遊興相攜出闌閣天色見艷艷平

壤多蔽虧山現一角
曉夕陽弄蒼翠明滅半不定悠然
與目謀偶得無可贈野路有劇旁辨誤要指證顏垣覆
脫葉野菊花初孕不記誰家園踏草白成徑嗟我二三
子脫略頗相稱相挈行且談路盡言未罄誰歟逐佳遊
吾遊亦差勝

辛丑

晚登馬鞍山

塔鈴不語風林寂鳥聲暢
覓徑下山時卻見山僧上

汪月生先生

獻珩

家捕得一物似狐而非遠近莫

識先生以爲貍也戲邀作詩

君家南園近墟里忽來惡物惡難似翻盆嚼橐日不止
跳梁夜與鼠爭技偶然捕得不用犄非狸非狐競來視
銳頭叩鼻鼻若豕脹腹膨脝稱其尾投以束藁睡不已
或見可食時一起蒙茸撲朔竟何是聚訟紛來赤腳婢
主人博物茂先比斷之以貍而已矣爾雅箋疏出袖裏
一物不知儒者恥邀我作詩倘有以

離思二首

夢短夜苦長燈死月光顯墮牀一片秋愁與相深淺嘹

嘹羈鶴鳴惻愴思雲巘霜高託影寒
呌侶知難免物情孤則形名理何能遣

商意入肝腑墮壯愁相尋冷臥秋聲中
漸能秋蟲吟靜中本無物但未空其心得
遣既恬昔入感猶萌今循環不可詰詎足
勞砭鍼故知秋士腸河海難言深

偶書二首

某氏一家督自詡善持籌不分異子姓惟任老蒼頭
凡事有成規記注牛毛稠輾轉困牽攀關白到膏油
雖率衆臧獲舉動無專謀委任既太輕責效難獨優
竊恐外

侮至無能爲分憂嗚呼一家權豈可一人收但求主威
伸亦思孤立否古稱善御馬非在羈絡周苟能攬其轡
奚患傾吾輶

獺多終亂魚鷹多必戕鳥食於民者多曷由民不擾未
能澄其源化以不貪寶庶幾塞其流沙汰使加少旣多
權日分牽掣愈不了因之形迹間規避益加巧上下相
欺凌百弊不可考於政旣無益於民日凋耗中醫不服
藥此語通治道

壬寅

贈董夢蘭

兆熊

二首

未妨煙雨羃七竅但有文詞出俗流相士若依銅馬式
故將當眼失驂駟

文章道梗不勝歎開眼便見干祿人世上浮名卽拚得
屠沽兒欲笑君貧

同楊元潔

白

自姚家渡取道柴莊嶺行米堆山下

至西灣田家宿是夜仍乘月上長奇嶺得詩四
首

山光揖我舟相引意了了登途轉蒙密漸近愈深窅同

行失前侶蔽虧在叢篠人語辨何處前林迸驚鳥黃桑
矮似人梅實青而小幽尋路忘紆所貪日猶早橫嶺亘
我前人影忽然杳一徑入松風衣稜覺輕矯

嶺盡一亭闢客勞此休止所歷既漸高羣峰亦隨起左
右惟深松接翠遠無已蒼蒼米堆山空煙蕩湖水夕陽
與之光微白顯遙紫吾生抱幽懷愜適在尺咫不知旦
日來山態更何似卻羨此山僧日夕此隱几

山家意澹樸客至走相驚村犬吠衣冠亦覺非世情遶
舍十稜田桑竹縱橫生人行綠陰中幽鳥時一鳴蒼然

暮色來嵐光忽先冥山深得月遲夜景自虛明居人望
昏至此舍門先扁隔林一燈出知有行人行

幽興不自罷明月况相招出門萬籟寂微聞風刁刁沿
林竹枯影如水含菰菱履聲動棲禽決起衝煙霄人影
出林木始見所厯高太湖忽當眼白與天相遭一氣鎔
如銀月光際其交湖中湧諸山蜿蜒如長橋奇觀得有
此足洗胸中騷將歸下叢薄迴風吹鬢毛

古意二首

我心隨月光夜夜流照君情思積日月候雁鳴秋雲傷

彼紫蘭花歲蕤白揚芬會無微風發使我不相聞瓊枝
倘未垂歲宴亦何云

山雞與海鶴氣類本不同有時被羈縲俱畜園池中朝
朝會相見默默羈情通相識雖未慣頗復憐其窮念彼
山中姿戢羽有深叢薄采不自掩甘爲人所籠情邇感
易入長鳴憂寒空顧已亦何爲愴焉慚素衷

校讀毛生甫

嶽生

休復居詩題二詩見意

特走一路如此僻力掃肥皮厚肉流渾確崎嶇有佳處
空羣正待拔其尤

一墮江湖便一世語言工矣命殊窮何如飽喫耕田飯
但作農謠完古風

羅浮蝶不易得土人採其繭俟蠹化而玩之有自
嶺南來者以數繭見貽爲作二詩

微蟲具五色秉氣已不祥有美悅人目焉得無汝傷坐
見機心人不待汝翅張利其未蛻去摘拾易取將累累
雜樹葉終朝盈頃筐擔頭易寸錢客子充行囊爲玩生
殺機孩蟲乃遭戕

此蟲旣化時栩栩然自適棲隱羅浮間遠致恐不得詎

知蘭中蠅已作千里客特來供一玩生命難藏匿文采
有如此造化亦可惜微物何足矜我心自悲惻

潘功甫先生

曾沂

見賞拙詩賦呈二首

窮謝侏儒粟一囊長年尺地困昂藏尋常不入時人眼
正有高懷許爾狂

日出卮言見道遲多公賞味異於時譬如腐木生芝菌
偶被樵人聖得知

和劉彥冲

咏之

七首

庭梧葉已墮木犀正揚芳天地無異秋隨質爲青黃物

性有莫奪詎復憂炎涼緬古得數人常若未可忘人生
要白重不與時低昂

欄庭多落葉淵明白夷冲賦詩不悲秋中有道氣濃吾
生亦求道顧增戚戚容心傷日月逝有愧生於中旣殊
古曠懷恐襲騷人風

大鵬不飛時白足九萬里何嘗因候風而慕鷄決起矧
予質區瞽本慚天下士浮沈鄉里間遇坎固應止一笑
得塗忙彼哉夸毗子

巨澤軒然波八月風動天孤舟泊斷港亦復夜不眠正

如伏處人間左似安便世塵極瀕洞終亦相及焉君看
走俗狀詎必朝市然

自信苟未真聞譽色然喜旣喜旋生憂更恐有毀訾此
心本自逸苦爲好名使吾今略解脫仍欲規諸子過耳
如飄風則庶乎可矣

文人困仕途憂患咎識字不識豈便佳愈將不快意當
初旣見榮厥後亦何避吾儕宜自廣雖困不書廢讀此
蓋有由志本非規利

溷迹自少年日月凡幾過及茲感淒厲又如秋風何窮

巷不進修簞瓢愧茲多何必湊風塵而後爲蹉跎憂來
斷高興慘戚無長歌

秋感七首

抱愁適修夜其彼秋蟲寒單袞尙孤醒燈謝膏力乾昔
人感哀樂舒慘殊所干詎予情毗陰煎憂少自寬惟憂
真如環循之欲無端獨應下弦月深夕相尋看

詞人喜絮窮狹淺識者輕如予飽味來絕口反不情顧
念此身世如船僞難平中流不獲棹盲進無可程疇昔
自許意豈不壯而行久衄氣爲奪肝腸方變更

豈無中林芳他媚非我悅若人獨異觀見許執高節恩
情雖未遑相思俄已結如何周道遲冰雪凍行轍衾枕
卽容儀川塗復阻絕含英傷過時我亦爲幽咽

葉委意欲息風更挾之走墮園與貼墾旣零焉辭醜哀
哉淪誤人勢與歲惡偶去去無通塗入室愧升斗所恃
魂夢中尙締古人友飄轉應自此若何庶无咎

欲思兼安飽如人豔仙籍多爲秦漢王力盡常不得卻
見坐享者輒復弗知惜鄉里不稱善蚯蚓倏倏鑽額物理
慨予心擁被欲竟夕莎蜚爾何知乃助予歎息

物我隨化流惟愁止如山誠恐明日鏡不朱秋後顏商
颺忽奄至聲落庭樹間寒巢有醒羽獨鳴驚我孱歲寒
詎無懷眇眇不得攀仰望匏瓜明我邨如爾頑

閉門飢欲死數子獨見朋爲交遊光寵我實謝不能感
君弗疵賤高義當敬承迅商埽寒穹來日佳不勝苦無
一壺醪秋巒相挈登良慚古俊流一澀如寒蠅

伏敵堂詩錄卷二

癸卯

長洲江 湜波叔甫

無錫道中

斜陽兼水色搖漾客舟晴坐覺半窓爽還堪十里行對
山心慮愜出市語音清卽此一蕭散渾忘問去程

呂城

奔牛已過呂城見斜日烘窓晚一凭鷓鴣點樹黑可數
辛夷過牆紅幾層出村犬吠客尋寺倒影人窺魚在罾
厯厯水程成獨客浮家泊宅歎無能

清江浦二首

既雨重陰緩放晴柳絲如夢午煙輕江雲落處日光漏
遠岸沙明看鷺行

嫩綠蒲芽出水齊雨收人欲上春堤絕無幽興也行得
愛此沙晴不作泥

行店二首

行店郵亭春水濱騾車滾滾動飛塵相逢略聽客言語
十九黃河以北人

萍轉薪勞今正始津亭戍鼓渺無涯此身輸與魚蠻子

划船來自有家

天妃牖

束水殺水勢水怒作風響洶洶爭一門雪浪欬十丈牖
官集千夫輪轉曳舟上并力與水鬪噉噪爭雄長乍進
勢方急首尾互抑仰水聲聾我舟駭身入甕盎伏聽久
愕眙衆力益勉強抵死幸得勝卻立召魂爽當其曳一
舟一纜百命仗斷卽一舟沈百命欠黃壤遺體敢自輕
脫險怯追想

春盡

天本無涯若有涯郵籤計日水程賒敦敦隻堠迎船過
漠漠征帆向晚斜野外風來寒欲雨舟中春盡客思家
別離心緒清淮路一任曹騰送歲華

舟中雜有感發以元遺山詩書生只合在家貧爲
韻作七首

弱齡昧生事依約荒江居忍飢頗劬學挾策侶樵漁至
今江村中有我當日廬去之始數年竟欲親舟車事遷
情亦殊興懷發長吁豈不嗤輕佻但爲飢所驅憂來斷
高興還窺古人書宿好知未乖此生定焉如

苦心爲形役大塊勞我生榮枯眩眼前轉戰傷心兵鳥
知百世下但存賢愚名萬事隨驚波一蕩還太清古人
有當年吾已惜其情今何不自己實欲冀有成凭窓發
遙悟矯首心神醒沙禽亦何知自刷風中翎

一窮屈至情懷役中夜起親慈坐相奪憐我不得已君
何苦相望乃不諒人只我豈便忘情欲言恐已鄙飲水
候寒溫莫如辨諸己一息君不知今況隔千里端憂源
明月扣舷淚如洗勿謂予不信有如黃河水

客情滿千里日夜河流急西日已蒼然征鳥不遑集登

白雲言金 卷二
三
鱸膺淮甸坐看夕陰合江樹遠迷離目斷幾原隰殊鄉
常畏人孤抱暮愁入懷哉朋舊歡渺矣隔鄉邑思君屬
荒夜初月照久立安神閨房中倘念征途怯

詩書生寒苦寒苦生慷慨慷慨一出門此生謝耜耒未
知今所從徒然困智慧黍地誰獨耕夕曦炙其背此人
誠苦勞庶免世網害物情互欣厭孰能審所在乘車下
澤中策馬萬里外勞逸難齊意與古人會

啞啞鳬雁羣泛泛水爲家船來自驚起飛作一行斜渺
然念人世耳目多紛華吾生也有涯而知也無涯苦將

一豚蹄滿車祝汙邪此間亦何有空曠差無瑕颺颺川
上風輕波走平沙背篷時有人日晚收釣車

船行岸不知船自低昂頻卻見岸低昂惑哉船中人因
知世人眼眩轉多失真平生聞道淺未免傷賤貧亦思
早達者所憂更多門取舍交戰時一悟理自伸悠然開
一編頗欲忘夕曛凱風亦時來適我無非新

嶧縣有作

道經嶧縣五月初大麥旣穫小麥枯誰家腰鎌千指俱
載以牛車童是驅偶隨之行至村墟有場百步新滌除

一翁先在掃麥鬚碌礮倒臥間有餘打麥連枷懸屋隅
睠之且復立斯須愕然而顧翁見予客從何來經我廬
知爲士人見待殊延坐入室罄區區不嫌其真我亦迂
有口能言聊與娛翁家多田連郭郭食有魚麥出有驢
築室聚族居不孤入門怡然對妻孥萬事粗足何所圖
欲其子之士大夫更潔脯糒延里儒穴牖納明兒誦書
大兒客至能拜趨蔚然儒雅充其軀云此最弱難勝鋤
願因學仕其可乎心愧其言生歎吁以耕資讀吾不如
人生無田行次且代耕非分苦覬覦遊宦不成飢可虞

曷若翁家善菑畚日曠別翁情不舒何由卻作農家居
悠悠

悠悠真慚以往年江湖憔悴豈時賢孤舟夢落荒村外
半夜風生淺水邊蘆葉蕭疏如作雨沙禽格磔共無眠
劇憐老大催人易不似初三月未弦

南陽舟夜

船頭不見青山仰滅沒清空變虛象月高漸可半湖明
風過猶留千荻響川路渺然夜氣深客懷清絕詩情長
高吟聊續昔人遊生事本無明日想何能一夢同鳬鷺

起看龜蒙浥朝爽

川光

人面豈如山色善川光長比客懷寬此生未覺向誰是
萬事何由作死看徒有微誠戀親舍仍餘結習慕朋歡
江關詞賦空蕭瑟始信文人不足觀

寄彥冲二首

有序

六月六日由臨清轉入衛河值久晴水涸不任浮送
舟行若凝漆篙工皆諧聲并力數里盡氣而此水自
輝縣蘇門山東北來凡千有六百里計非大雨當不

可倖每晝間屯雲相望窓外日光正赤舟左轉則日
右入右轉則左入歎蒸煩溽若入沸甑始聞蟬聲嘒
嘒因念前歲之夏彥冲時過余城南寓齋以詩相往
復嘗有詩曰林蟬關白暑將至知了一聲風遞來見
訪幸無襍襪子新詩好爲故人開旣感昔詩且思予
與彥冲非有語默殊勢者而彼獨履貞懷素憂然有
以自遠雖蕭索空宇其志趣固莫之或少也偶續二
詩誌感并爲彥冲一笑爾

無復清談拓詩界徒看赤日傍行船聞蟬不是昔年意

以之興懷良慨然

火熱屯雲鳥不飛
川途日暮客何歸
美君初醒北窓夢
洗足開門月上衣

舟中雜爲五言小詩并錄十首

駕一千斛舟牽夫十數名
得彼負之走則我坐而行
彼亦爲口食以力役遠程
如何不言苦得飽意自平
我今獨何者戚然就長征
朝顰莫則吁獨坐憂思縈
豈無其起居同行不同情
惟看牽夫勞尙用慰平生

旅人偶甘寢一夢失天曉
不知篷窓開肱篋者相擾失

我所載裝無復留些少下牀不得衣主人衣我襖但見
一束書狼籍棄未了我行非壯遊何物是華好牀頭亦
無金未足充汝飽惟此慈母綫辛苦爲遠道遠道未及
至棄去殊草草歲寒思我親豈不傷懷抱

顛風欲斷渡居人助挽緯挽過卻散歸一飯以相餞我
哀其人愚窮苦不自見方春弗耕作乃爲人所便豈是
迫飢腸如何仍鵠面我今始飄泊無端去鄉縣與彼皆
遊民未用論貴賤惟抱咫尺義懼逐川途變區區苟不
存將母愧時彥

日覺心緒孤經歷變耳目阻風泊墟市登岸覽土俗居
人看客子行色在衣服客子看居人依依皆自足有情
還自矧知我爲誰孰日腳下高原比戶晚炊熟居人靜
掩關客子上舟宿一夜念鄉閭夢墮荒江曲明晨又東
風吹我征帆速

夜雨宿淮陰夢入雨聲裏見我從父兄音容覺良是君
歿已五年我行將千里殷勤復見夢使我悲心起君父
我從父心氣亦耗矣無能慰朝夕骨肉感何已誰無罔
極恩俱是爲人子君爲冥漠人我作情遊士耿耿兩不

安孰云異生死

我行豈不遙水涉江淮河江淮幸安濟尙見風日和去
淮到河壩乃遇大風過塵沙混天色五日空吟哦明晨
戒將發風勢愈嵯峨一夜舞澎湃枕底鳴蛟鼉我家吳
淞江瀾淺無旋渦廿年幾經泛柔艣劃晴波何嘗夢寐
中見此風水多浪遊輕去鄉正遭河伯訶

晚經桃源縣葉葉風帆速翩若銜尾鴉爭向沙隄宿隔
岸東茭隄居民雜土屋夜昏燈火稀風聲撼林木去年
決河堤魚鼈奪平陸至今戶口喪流冗未全復哀哀中

澤鴻張口望糜粥誰能捍民災不用湛馬玉中策采賈
讓糞鹵成膏沃方略雖多門形便自有屬如何坐因仍
慘動書生日用舍吾何知方與飛蓬逐

人生有好尙南北生異觀我窮百情澹所向無不安紈
綺非所習詎怯江湖寒本來粗糲身亦飫花豬羶惟嫌
變水性北來飲勺難或濁塞胸膈或滯泛寒酸歐惡或
止水作疾或急湍詢之經行者其腹曾不然如人巧世
途賢愚盡交歡我今亦稍稍漸免愁肺肝一體有遷移
咄哉慎其端

舟如客愁重沉沉
明月月既值我愁
相看兩不滅羽
蟲何翦翦仲夏始
熱膏燈既難親
露坐揩眼纈隰田
蠅蛤喧令我感時
節我行甫仲春及
此百餘日不謂今
夜月猶爲客舟設
平生命既窮何事
敢預必通行無滯
涇將不稱我拙

頭上過海雲窓中
度村樹人臥船自
流是亦讀書處我
生氣質偏悔客已
多故惟幸向道心
不受飢寒錮掩卷
見古人其神欲相
付念且入風塵弱
操恐不固畏途凜
於冰平生愼迷誤
永懷千古憂來此
千里路

登車二首

昨日篷窓閉不出，心念登途如鳥疾。豈知迴望此舟時，
愁看檣竿樹間沒。客中那不惜人情，記取同舟百餘日。
世間名利驟何有生芻一飽爲人走，尙能搖尾散飛蟲。
時聽鞭聲一弭首，車中有客亦勞生。載去且嘗村市酒，
寄顧潔。

門外白日飛黃塵，羌獨奚爲冉鉛親。書生自合蠹文字，
馳車終日淵明嶼。咨予稟氣寡諧合，王微本是不詣人。
審鞫鞠脛向俗物，何如屋底自欠伸。庭花寂歷秋色新，

座有積書居不貧但憐索寞無與隣胸中耿耿念吾子
昨夢忽到楓江濱江濱有樓子所居昔日與子同讀書
兩人意氣旣無間登高賦詩時有諸沿江市盡遠山列
寒翠如屏雨洗出秋深晚稻初着花記曾與子作九日
當時自適一時情豈意今年爲此別人生流落真可憐
嗟我如今百慮遷高談豈無忤俗懼古貌不合時人前
倒冠落佩從賓戲弦琴哦詩空自賢便欲歸傭十稜田
蓄書千卷支卅年傲窮耐冷及吾子且息荒江古驛邊
得月生先生書因寄五十韻代柬

屋角秋聲乾隣牆頽棗頽庭隅菊有芳意冷不延蜨感
秋復羈旅滯慮日懔懔凌晨乾鵲鳴下牀履初跼客或
故鄉來抽關樂延接因得先生書喜若吏承牒伏讀見
情親藏弃入巾篋惟思裁報難不盡語喋喋京城門九
軌鞍馬日蹀躞宦客影華纓豪兒穿袴褶曉鼓一發時
緇塵罨橫堞攀龍亦何才呼鷹詎爲俠此邦遊士風有
荆高蓋聶今異古所云徒誇名利捷僕自吳會來屑屑
欲何獵長安不易居幾草乞米帖惟餘文字雄不受聲
利壓高歌動鬼神俗物生謗譟此事知者難或譽不我

愜美人背後看僅許見腰袂愛龍駭其真不少楚尹葉
每懷先生賢夢劃渡江檝憶初宅甫里學問乍關涉雖
操文字觚未離童子鞶先生首相援文壇要偕蹤導之
徑不歧譽而衆乃帖如矇叟得相索塗轉穩貼又如甃
浮圖起廢有人挾逮今十寒暑髭生不勝鐸聯襪一朝
分舟車我疲茶流光去不返猶汗之旣浹蹉跎平昔心
侘傺夢成魘奈何一知己履跡不相躡自別伍胥門八
回落萸葉豈無惓惓懷水重山百疊念欲仍束裝南海
買行牒歸占吳淞田弟妹行晨饁雞筑有闌柵裋褕容

何吾堂詩集卷二
綢繆與先生過從促坐聯袂

丁俠反揚子方言袂謂之袂

話雨翦

畦蔬葵莧佐七椀鋤犁釋手時筆管亦間捻著書仿何
人汜勝賈思勰豈知天所械一窮爲接摺牽挈塵壤間
欲歸不能輒商飈已淒緊庭柯歛茲攢候陽就前榮寒
座待瓊氎誰堪迫凋年復彈馮驩鋏春當走海岱試往
豁旅睫飄轉如浮萍詩讖固已協矢詞寄先生聊奉開
笑鑒

寓齋重夢先兄練飛

淮陰雨夜驚魂乍忽復草堂竝讀書當日未經百里別

至今猶夢一堂居
醒看燕月家何在
遠念吳墳痛有餘
今歲已知歸不得
霜風吹淚客窓虛

簡彥冲元潔卽寄沈山人 謹學 二首

彥冲元潔平安否
亦見秋風念我無
此別與君應共惜
不歸於道更爲孤
吳門誰復聯詩侶
燕市今難尋酒徒
重被殘年迫相憶
新燒欵火待圍鑪

零落已看百不成
越吟莊舄亦人情
方嗟卒歲薊門雪
況說明年厯下城
橘性豈能經北徙
竹根空欲向南行
埤雅竹性喜東南
引生故古之種竹
法云斲取竹根於
園角西北種之久
之自當滿園 憑君并語

吾堂詩金卷二
楓莊叟春及無由耦爾耕

旅情

憶昨芳菲節辭親來
帝畿及今搖落後念我曠庭闈
枕上家千里燈前夢一歸世寬兒自拙老淚莫輕揮

縱筆三首

蟬能蛻骨也如仙墓解爬沙亦上天獨有樊籠摧瘦鶴
長脰三尺跂芝田

菁華已竭褰裳去鼻息如雷復有人汝曹腹與瓠壺似
不着涸熙一點春

續客下馬故客去

李昌谷句

前門迎揖後門關

李太白句

不須飽

看魚龍戲早願長棲水石間

寓齋雜題四首

曰歸曰歸胡不歸
鰲車前木葉飛
孟生苦欲到京國
豈謂鬢絲能織衣

方疏明幌障
寒風將見圍
鑪炭壑紅
吾家餽爨薪應少
無小雞山地一弓

娑拖聊復曲尺坐
辮髮就梳飛
旅塵眼底誰堪託
未契

少年潦倒付他人

潦倒猶言蘊藉六朝人語也

燒春禁冷從人說便沃一觴刀箭攻先生不合歡伯處
愁陣方如水駕風

司祿

維道光癸卯陽月庚子朔江子怨道窮整衣籲沕穆云
天萬化原大鈞鑄百族緯曜幹於上形氣相轉續其間
人最靈所以因材篤賢能受顯榮庸惡遭荼毒我今夫
何辜進退獨維谷干祿無寸階畸旅守塊鞠欲歸其乾
口連室更窮蹙平生守詩書非道不敢學行身依古賢
亦不徇流俗謂宜無罪過乃反罹窮辱卻見嵬瑣者祿

位飽所欲亦有乳臭兒信手掇科目彼於德何有所遇
必優渥獨我久迷方幾時見疏錄聞之帝車次文昌星
有六籍人世科名其神曰司祿願得詰其說敢向斗魁
祝是夜眼覲覲神降所居屋靈風颯然間霞冠而緋服
云子雖善詞於理欠明燭凡人自窮通與天遠不屬子
稱嘗讀書試舉往事卜陋巷冷賢瓢東陵豐盜肉福善
至今疑或懟天道覆楊堂祥有鱸賈舍災見鵬兩賢異
榮枯其故叩誰孰人事自糾紛天道久渺邈子如執而
求如鼠入牛角且如孔子窮道高侔山嶽亦若子責天

天罪將莫贖子誠賢乎哉但用自守確嘑嘖生缺望適
形道不足至如一科名子自不善逐他人誦時文瀾翻
如布穀子舌卷入喉漢唐始一讀他人摩墨程循題綴
邊幅子又棄如土去躡韓柳躅又苦心氣高常自立於
獨人家擇壻難猶有面如玉未若子論交必求萬卷腹
蠶宮會青衿文場坐老宿子則望望然甯去友麋鹿凡
子之所爲悉數難更僕自背利祿趨神固不能福緣何
儼他人反詈天爲酷由其道不變會且死溝瀆神言窒
我口一一洞委曲捫心實有之從今請碌碌再拜顏有

駢一夢遽然覺

梨里祀徐侯齋先生詩爲徐丈山民

達源作有序

先生祠在太平山之麓卽上沙之澗上草堂也旣百
數十年吳江有先生同姓名達源者葺之又輒毀且
春秋頗遠因先生曾遊分湖蘆墟之間始卽所居梨
里爲祠又採全謝山之說以山陰戴先生南枝嘉善
吳先生稽田南嶽大師儲公又自以長洲布衣張先
生蒼眉共四人配食今春曾共展謁因祠旣有記爲
妥神侑享之詩以寄俾歌以祀焉

稊湖之濱兮有芳苓兮紫莼猶西山之薇蕨兮祀先生
兮佳辰縛船兮無旗迎神兮孔宜少長兮咸集滿堂兮
能詩屏弦匏兮雅歌庶來格兮不噍以嬉緬當年之芳
躅兮有草堂兮天平之麓旣陟而就荒兮羌誰薦兮
秋菊惟此室之潔清兮諏吉日兮改卜曾避地於茲鄉
兮亦先生之所欲蘆之墟兮梨之里天清兮雲浸水無
猿吟兮攬心有鶴唳兮醒耳儻個兮憺忘歸聊逍遙兮
無我違親懿兮相從吳稽田爲先生之舅招隱侶兮山中執芳馨
兮盈手歎有覲兮遺容俾我後之人兮多興起於高風

短日二首

短日天寒客思侵
家衣着盡欲霑衿

孟東野詩常爲路旁食着盡家中衣

春來一作離親詠冬去仍爲遊子吟

年光易似熟羊脾
世路難於料虎頭
不醉如何破除得
天涯風俗泥人愁

除夕得月生先生見和拙詩仍次原韻代柬時將有濟南之行

客中腰臘過浮髀
聊頰頰醉魂忽飛去
欸欸若歸蜨
明朝又元辰
人愉我悲懔息影自漣娑
聳膊姑盤跼日酉

急遞來銜袖一函接乃長者寓書非公府移牒省覽詞
紛綸真傾筐倒篋不厭百回讀多言非嘯喋剡藤和我
詩惜未裝題躋其詞藻之麗紫羅爲裙褶其筆陣之堅
峻嶺作墉堞猶以大國楚下捕閭巷俠氣奪乞爲奴始
悔慕荆聶口哦難自已如響報聲捷非敢當鼓旗技癢
復思獵兼申比日情用代往來帖僕自作羈人跼天常
恐壓樸貌日頓慙拙口愈滄囁疑有鬼神然使我不人
愜他人善嫗媯崇階叟長被我怯如敗軍但欲保宛葉
他人能逐流渡江不用櫂我病水及臍褰裳事冬涉從

軍首磨刀學射先帶髀人方喚我迂等級獨恥躡決河
浩難填乳虎悍不帖人且縮頸去於我求妥貼洵維拙
之故詎因賢是挾一白鬢髮中見惡必遭鑷一駿駑駘
間懲隆反取茶且觀犀性堅碎因人氣挾人魄至精強
腫則鬼能魘亦恐難自全世患相乘躡伐性有利斧衛
足無傾葉先生固差勝奚用憂心疊卽今抱道居免刺
江湖髀子男解瑟僊戚懿行饒饒溫火尙能饒褚衣猶
可縑善隣聯攘櫬惡客判襖粘入梱有孟光對案共舉
挾况乎學浩穰鉛槧日勤捻負書待人定方欲嗤劉勰

何爲如我愁共作面百摺書來動相思淒愴覽之輒念
且爲齊行凍土走攏攏春寒犯晨裝車駢待鋪氈連宵
少監寐翦燭屢煩鋏梅慙平生心腸迴淚承睫遄歸知
何時尙望音書協謹護至夜深斗柄星靨靨

伏敵堂詩錄卷三

甲辰

長洲江 湜弼叔甫

沈南一 日富 任雄卿 廷賜 計偕來都適僕有濟南

之行不果相見至任邱道中得詩奉寄

去年送我胥江口江干綠盡水楊柳今看柳色又青青
客路春風重回首我滯京華且半年思君日夢暮雲邊
君來我又怱怱去萍迹蹉跎良可憐燕南趙北多雲樹
我往濟南從此去車中時復一思君君來是我經行處
漢廷射策君其選平生相知每不淺憐我長安日下影

飄流卒受飢寒遣抵今會合復何時翔鳥遊魚不自知
想逢郵驛東來日亦爲相思寄我詩

商家林早發

殘月欲斜墮明星猶滿天載將春夢去記此店門前鄉
信短長札羈懷新舊年終憐村戶好并屋起晨煙

韋左司句

題旅舍壁二首

行店門前楊柳青入門春酒惱人醒兩丫之伎解人意
三弦之箏搗不停

土牀如竈風動壁逆旅主人爲拂席靜聞餓馬嚙殘芻

月夜獨爲不眠客

泛舟大明湖登歷下亭遙望華不注

連山蜿蜒如遊龍背城不見尋亦慵忽看湧出萬瓦上
勢若回首窺城墉樂源潛發未出郭湖光如鏡初磨鏘
斜陽欲下山影落倒浸十丈青芙蓉是時正月氣已變
鶯黃水柳搖春容亂流直泝歷下亭坐看對面嵐光濃
舉頭更見華不注憶昔李白登其峰自云曾遇赤松子
託興願得長相從我來獨遊少儔侶濟南名士多未逢
單椒秀澤久寂寞況求塵外仙人踪惟餘山水自清絕

勝情猶入羈人胸
船偎曲碕受行客
風度絕壑聞疏鐘
寓齋不遠晚始去
早撾衙鼓聲藜藜

濟南春感

歷下亭邊柳色勻
大明湖上又逢春
長吟正有棲遲感
勝日仍憐景物新
是處青山能客我
向來名士幾驚人
臨風試續登樓賦
遮莫明朝迹已陳

嶽下早行

館宿朝來人語清
征裘急束走山程
春寒方去汶陽道
昨夢猶懷歷下城
立馬雪中看嶽色
解鞍雲外聽泉聲

不須更說勞生苦
家食何由發勝情

泰安試院卽事

沉沉春困聊閒步
卷牘叢中日已長
寒綠上衣松院靜
一聲山鳥下斜陽

山郡

用世才難逮
栖栖亦未閒
空庭見花落
山郡覺春還
家人燈前夢
塵生鏡裏顏
誰言懷尺義
猶在古人間

岱廟

巖巖岱嶽雄
且峻天啟神
封位於震維
古望秩視三公

二月東巡稽虞舜大哉靈澤及九垓扶寸出雲千里潤
報功宜在地宗禋祝號還尊兖州鎮式瞻瘞像拱冕旒
肅若古皇受朝覲靈宮晝靜香火霏殿壁新泥鼓初鑼
黃冠導我石壇行拂袖靈風吹幾陣穹碑有落山雨洗
古木無枝雷火燼迴廊更看神迹圖判官喙長鬼突鬢
歸魂斗極倘有諸生世苑枯真一眎退之當年謁南嶽
身落衡湘人所擯自言將相旣無心杯琖猶勞卜貞吝
豈云人命有通塗終藉神功爲發軔我今身世委長窮
但指名山矢精進未能見道能不禱不占神所信

明朝且去訪仙巖一日春晴猶可趁

登岱

衆山跨海來西走入齊魯忽環此山立如子拱其父不知厥初造化手搆此巨嶽何神武巍巍鎮東方戴重靈鼇苦自非恒衡嵩及華域內名山豈有五徂徠雖高氣先奪況說云亭與梁父石砰何年開落溼如過雨縈迴度絕壑松濤灑眉宇天門鬱嵒崑戔戔豁開洞府但看兩崖如掌高矗雲想見劈由巨靈斧上有千古未凋之松樹石上走根不知土豈無古僊人借此鑿室蔭堂廡天

開靈境出塵表十年夢到非目覩試登絕頂看積氣九州茫然供一俯眼前海水搖天光萬里清風落欬吐胸中忽浩蕩人世真莽鹵自有此山來時代速易不勝數軒皇曾遊失紀年漢時秦封看又古我欲謝塵網便與禽慶伍長生雖知未可學且共白雲宿巖戶世間局促不勝愁倘恃山靈莫予侮

新泰道中遇雨

籃輿少油壁衣溼過林隈古寺無人到荒山避雨來雲陰蒙頂合水勢洑陽圓前路何村近衝寒醉一杯

晨發整陽車中得絕句三首

寒雞三號催去館天如穹廬殊未明車中欲夢昔年事
亂石磨輪時一驚

連岡碎石堆百層轅下駒猶側足登車如箕舌人如米
欲謝簸揚知未能

山石犖确車聲苦磊磊爲人鳴不平若銷輪鐵鑄良耜
便買山田看耦耕

蒙陰道中春望有作

原田歷歷去不極斜日蒼蒼上古邱野濶春風來魯道

天晴山色入徐州窮愁身世聊登覽學道年光漫客遊
馬上無端懷往事村桃紅處失遲留

蘭山道中二首

薄雪猶看點翠微輕寒側側落花飛清明時節蘭山縣
一路山風吹客衣

石路無塵一徑斜春風茅店野人家山田綠盡耕初起
閒着一村紅杏花

天末

幾時生事謝風塵又及清明上巳辰天末自歸春後雁

愁邊已老夢中人野桃紅出千枝靚宿麥青抽十畝勻
記得前年淮水上韶光滿眼正傷神

聞馬遠林先生釗有閩中之行

見說今春有遠行也違鄉舉事征程君方六月以爲息
我亦三年且不鳴別後每聞人事變書來未放客懷平
建州山水程程好亦願隨時遣旅情

曲阜謁先師廟堂並觀故宅敬賦五十韻

苦縣謬刊老君碑成陽尙築神堯臺矧茲曲阜誕先聖
實宏大道彌重垓家門舊爲有宋後廟宇今看明堂開

諸賢入室拱圭璧宗子繼世司尊罍及祭之日簫舞作
有王者起車駕來天下通祀此爲盛列朝崇飾今彌恢
垣周闕里耦小國櫺揭靈星通上台內包古尺百井地
種有奇木千章材三門飛陛旣揭孽六經高閣尤崔嵬
相其陰陽殿基正戴茲甍宇梁木瓊重夢岌業軼雷雨
高闕闕間消零埃茄葩井底倒鞞鞞鳳翥觚角翔氍毹
翼室夾室戶仍敞賓階阼階基不隕想昔重建揆以日
矧工作力聲如雷遠求柱石劈岱嶽高選楹桷童徂徠
魯殷又生作梓匠徐州厥土陶甄坯一時落成絢金碧

四方走觀鞭駑駘仰瞻赫戲用嗟歎願念興替重徘徊
成封伯禽墟少皞僖作闕宮禋高禘周禮盡在當日盛
魯邦既滅遺民哀兩公世室徒僭制三家私廷漫聚財
泉臺庭庫見經傳千秋一轍同蒿萊更嗤漢藩宮殿侈
但傳古賦文辭詼鬱茲聖廟壯洙泗倬如天市森杓魁
爭高雉門獨世守同麗桓宮無火災正惟盛德百世祀
况集大成羣聖該欲尋遺迹證書缺更觀故宅循牆隈
廣庭昔傳詩與禮閒居嘗侍參若回井水想見曲肱飲
杏花猶向空壇栽壁鏤金絲豈漢樂簡留蝌蚪非秦灰

孔鮒及賸車一輛鍾離仍發壁七枚歷傳舊聞有髣髴
還看畫蹟知奇侈靈宮沈沈晚色淨夕陽澹澹神雅催
百石卒史導歸路千年聖域非荒落已離衡闥光景闕
卻望正殿虹霓迴繫余束髮仰日月亦有良知如嬰孩
夙遊鄉校習俎豆夢執禮器升階陔茲看雅樂仡猛虓
又見仍几陳奇鼎驛桐兗絲得按撥壁流泮水恣沿洄
碑披漢魏晉唐宋樹辨檟柏松楷槐觀於滄海旣自廣
覺此泰山長不頽當年弟子跂卓爾同時黨人稱大哉
七十從心猶下學三朝見君豈自媒道莫能容世方濁

天作之師民受裁戰國秦項偶哀歇雜家黃老終傾摧
漢高致祠開盛治蜀守畫像興文才信包百王若郭郭
仍孕來學如胚胎諸侯世家奚足喻素王出治何容猜
維天爲大窮此擬生民以來誰追陪惜予能爲釋奠頌
文章小技賢人貽

杏壇

縱復靈光亦黍離杏壇舊築此留遺曾爲百世師儒座
好作千秋道德基漢代精廬傳雅故宋時書院證羣疑
若教同聽春風講學術何緣有兩歧

敬觀端木子手植楷

危幹挺直弱禿枝屈短肘槁餘作人形燼色成鬼醜凋
向聖人塋種自賢者手發榮七國前極茂六朝後穿根
浸洙泗騰精應魁斗免充魯殿材羞締秦松友劫火何
見焚鬼神偶失守生爲堅多心死看僵不朽風雷更何
懼霜雪方甘受鬱此一物奇名在衆木右凡人未見聖
獨汝適相偶作伴廬墓人自依奠楹叟卒哭來孝孫觀
葬集遺耆想嘗攀枝條或爲洗泥垢邇來幾歲年獨立
閱悠久奇形入圖經古蹟冠曲阜扶闌三尺高積落一

寸厚應看朱鷺棲那容蒼鼠走我昨岱畎遊道經古木
叢或喬柯上參或槃根旁組怪或獸攫簪矯或龍蜿蜒
圓頂或如蓋空腹或成臼啟秀知何年移植定爲某牛
背恣摩揩牧手試按扭正復逃斧斤僅足傲蒲柳茲樹
始神奇托根謝培壤在魯地原靈爲楷生不苟氣質陋
梓桐聲光婉圭卣惟依乎聖賢必得其名壽試思季孫
庭嘉樹今何有

曲阜雜詩四首

周人行籀篆先師用古文亦如韓退之性喜書八分惜

哉尙書出未付博士論安國僅能讀史遷一諮詢既遭
巫蠱事千秋當失真晉世忽傳布茫昧難得云穆壁責
諸江軒鼎來自汾僞書亦多有六韜與三墳我今面孔
壁絲竹難重聞

闕里與陋巷相去如尺咫當日兩家風同飲一井水同
飲亦同樂心源無彼此由來聖可能好學斯具體淺哉
太史公但云附驥尾祇今陋巷中寢廟翼然起卅年事
簞瓢千春饗牢豕漫有往來人一心爲悲喜

禹陵托稽山舜墓在南紀聖王或野死不必葬鄉里朱

師本旅人晚歸教諸子梁木雖自莠彬彬在後起當年
大家旁歲時來習禮戰國秦漢間齊楚多遊士不聞魯
諸生口舌擅長技由來善居鄉尙得感頑鄙聖人百世
師流風知未已

道哀師不尊授受如販鬻卓然程朱門尙有邢恕胡紘

屬不惜燻身名背師故應速惟聞漢經生門人爲持服
去古初不遠矢意尙誠懇聖門廬墓人至今有遺築萬
楷非手栽神鳥自棲宿當年追慕心何堪喻流俗

顧潔從余遊年十八耳別之三年今寄來懷知賦

一篇根柢風騷得相如一體其才美志潔古人
不足多也喜爲賦詩并破例附編來作

風詩再變成古賦楚客遙傳與蜀人可怪相如惟一手
小生借得寫來真

懷知賦寄江先生

顧 潔

游里門之偃蹇兮顧吾道之不加修日月逝其莫挽
兮中懷遠而永憂記別情之千里兮及孟春而歲周
厯百歲之競榮兮又宵行之夜流伊吾生之飄落兮
恒十年而莫我知曠千載而傾心兮曾不顧一世之

所非惟先生之知我兮謂余行之不迷指聖哲之淵
源兮將導余以遵斯余不自諒其無狀兮恒守真而
不移恃先路之有人兮詎人事之吾違昔卜子之居
西河兮曾致憾於索離人情去古未遠兮豈隱忍而
忘之獨矻矻於積書兮時然鐙以繼曦旣泛覽而迷
方兮若涉水之無涯顧斯道而莫與其適兮矧攷鏡
而質疑余豈無儕輩之與居游兮羗異道而背馳或
探索於虛無兮或骹骹而求時獨耿介以不隨兮紛
取听於纖兒或自託於知我兮祇益我之嗟歎忽負

手而行吟兮周覽觀乎四野遵大隄之紆迴兮心迷
馳於山左渺余目以彌望兮見去舟之振柁念遠程
之自茲兮欲寄聲而未可竊自悲相思之無聊兮歸
抑心而就息漏十刻其既下兮魂營營而如客擁單
衾而伏枕兮交百端而竟夕聽戍鼓與曙鐘兮憶對
牀於在昔惟此感之傷神兮自古人而有焉彼瘋思
爲兒女之仁兮固賢者所不然矧心氣之流通兮縱
道遠而無難豈余情之不古如兮又奚不自得於勞
單苟弱植之未墮兮委吾心以窮年信一室而具干

里兮夫何必間於山川

乙巳

上年五月間訃丁母憂故夏後無詩此年正在制中明年冬十一月赴閩途中復有作

丙午

歸里數月復作閩遊胸中雜感及卽事紀行不能
無作拈楊誠齋詩天寒短景仍爲客日暮長亭
未是家爲韻到閩時適成十四首錄藁甄去其

三

凍雪不醺地泣雲猶糊天寒沙聚人影出郭風帽偏圓
頭還楊子追送來踟躕船脣並褰裳執手語蟬嫣我懷

癸卯春攀柳胥江邊江柳幾搖落我歸復出焉人生渺
自了南越而北燕漫遊不適道將愧時世賢良慙楊子
厚別我不我鑄前途黯風雪但言慎餐眠

昨我齊魯遊三年跨征鞍塵沙日吹面歸來黑團團上
堂拜嘉慶弟妹相驚看我顏固已醜所幸親顏歡苦辛
咽不說團坐添杯盤酒樽與客淚不覺同時乾晚晚歲
欲暮淒緊風正寒如何刺枯蘆又去江之干

昨宵北風惡一噫號萬竅曲脊穴破衾到曉不成暖頗
疑水生骨波路向前斷起來候朝暾拓船視饋盥霜淞

看已消朝雅起沙渾漸有趁墟人
儼嘉市初散肩挑或
手拾十五分隊伴有生孰無營
獨我計誠短行竈飯炊
成一笑對杯椀

我懷大明湖瀟灑兼清冷涵空映山色一碧可百頃
中
與亭子外界水如區井分塍植藕花炎月遊人并汎汎
瓜皮船蕩水跳擣醒我亦載酒遊爲有江南景邇來半
年別着想意先騁昨夢忽飛到醒來不堪省心憐此湖
水曾照驚鴻影

美人弄姿首窺鏡始自矜青山照江水亦覺美不勝昨

次富陽郭山暮煙光凝今晨泛桐廬仰面看峻嶒遠人
欲無日伐薪最高層石壁驚倒垂下有寒流承挽夫走
其上短絳琴絃絢尤愛船上水平若斗熨繒水行有此
適何厭來頻仍前去七里瀧高揖嚴子陵惜哉山水佳
垂釣吾未能

刺篙投壺聲驚灘鏘白石石上水怒號日夜聒行客一
灘激潺湲一灘亂溯洄去灘尙瀧瀧來灘又濤濤我乘
上水船寸寸與水逆篙工呀然汗得進不能尺遲速固
有時人愁我反啣方看雨後雲潏然羃山脊

水爲石所激逆流拒人湧作險非有心人亦不汝怒白
雲何悠然飛出山頂露行人逐雲飛山遠獨一顧回看
當面山忽訝水無路紆迴逐山轉旣去乃知悟團茅何
人家開門對江步機春晚不息白日向前暮

水路風已惡山路雨又零行館忽三宿雨腳殊未停凌
晨縛筏輿決去行殆屨廿里路滑漣舁夫寒鴉形回看
來處山潑墨開畫屏濃雲淦然合風急天冥冥雨珠灑
熱面不覺酒色醒衣裘溼如洗且憩茅柴亭前行又十
里旅店門未扃投宿偕儔侶不寐風撼櫺且話泰山遊

山雨吾風經

江郎

山名

之雲中窺我過猶未羞此辣闌山恐受詩人誹

連宵走滕六撒鹽布之旣開門山皓然一笑破寒氣爲
我設奇觀毋乃神力費登輿睇松雪雲霧猶黶黶旣霽
天漸青欣見日光睇千巖始晶瑩百泉亦觴沸或如餅
水傾或如鼎湯潑嗟爾在山泉行路焉知味

山上萬鬣松綠映一溪水溪橋晚渡人山峽集村市市
盡墟無煙累塊辨山趾寒篠高下生樵者爭投止一翁
倚擔眠山鳥呼不起一童枕其股折腳結纓履上有榕

樹林拏根如曲几一翁坐且凭昂首忽延企遠見兩童
歸擔影夕陽裏何來箬篷船向晚泊於是若畫野趣圖
船頭着江子

青溪三百曲曲曲山崕呀舟行逐山轉歸夢程途賒春
光亦如客從我來天涯夜來東風吹滿船落梅花花前
不能飲對花空嗟嗟去春不見花齊魯風雪斜今春雪
已盡南中花正嘉花雪不須論但感常去家故園有弟
妹憐我隨昏雅春來定相憶豈識千山遮

由江山至浦城雪後度越諸嶺輿中得絕句九首

仙聖詩金卷三
連宵雨霰苦紛紛今上籃輿盼夕曛萬竹無聲方受雪
亂山如夢不離雲

何人踏雪留去踪我弗問道知所從去人已杳白雲隔
卻有來人與我逢

萬梢拜地雪欺竹不見猗猗散青玉一枝斷爲無韻簫
猶立風前伴枯木

山上池堂白雲鎖去客題名粉壁左平生識字不識人
慚愧僧雛持問我

下嶺澀如蛇倒退上嶺側作蟹橫行山程勞苦山居樂

同聽午雞喔喔鳴

一隊行人裁下嶺有翁迎門賣麥餅此翁作計倘如吾
早去踏山看雪景

白雲蓬蓬生腳底下方看我入雲裏雲宿山腰知戀山
我去家山乃千里

觀海恨不尋蓬萊岱頂一宿真快哉卻到此間作鄉夢
山頭明月照歸來

嶺外行雲如走馬晴色下灑山家瓦殘雪忽墮適打頭
我自看雲立松下

黯淡灘

水穿石竅鼓鐘鳴石上瀉水松濤聲未若如山大石波
中橫驚波一潑千渦生力能掀轉孤舟輕使舟如劍石
如礪往來磨切聲鏗鏗驚起鳬雁天光冥頃刻性命誰
能爭忽然着眼知水情投篙於石并力撐迸入急溜乘
機行如鞭駿足奔驛程耳際但聞風泠泠一瞥已過延
平城吁嗟乎建溪之險天下名我自欲來胡又驚

伏菟堂詩錄卷四

丁未

長洲江 堤弢叔甫

偶飲大醉戲爲四詩解嘲

涪翁飲酒不盡味蘇二祗將蕉葉斟中天坡谷賓朋廣
與歡伯交皆未深

百觚千鍾始聖賢杜陵八友飲而僊安能以腹爲酒器
匹若瓦餅盛石泉

地有酒泉酒有星同流天地獨劉伶客中我卻十杯醺
那得婦人言是聽

已遣喉嚨爲滑稽難教腸胃作鴟夷明朝茗椀解醒後
當和柴桑止酒詩

浴溫泉二首

魯道有蕩塵亂飛惜忘拴馬浴乎沂

去年兩至沂州頗知溫泉在所以羈

事不果浴

今朝海國湯泉暖蒸汗方知兩腴肥

溫泉特作幾家春齧口長餅調水頻不用山童輸樸櫟
煙湯請浴徃來人

出翫彈子渦石因懷登州舊遊以袖中有東海爲

韻作詩五首

薏苡如明珠移根中土茂如珠有美石獨產瀛海右蓬
心可遷移石質無去就懷奇不近人知賞曠宇宙時來
慶遭逢一人東坡袖

東坡涉塵海憂思波激風量移到登州是亦身世窮黃
樓臨泗水玉堂森禁中過眼復迴看得毋海市同海神
鞭蟄起恐是調此翁

蓬萊非仙山傑閣壓翠阜三年兩得登一回置樽酒搏
桑朝日暎適照杯在手天風盪心胸滄海真吾有便思
誇吳人具區吞八九

拏舟采珠璣

彈子渦石亦名珠璣石

進探山腹空人來鳥驚出分

投沙嶼東山林忽杳冥島外波而風大聲發海上鏜鞳
石穴中惜無成連手寫此入絲桐

舊遊如夢耳踪跡逐年改維石處囊中從我到閩海瀉
之哥窑盆酌水弄珠蜚牕晴借日光晶然發奇彩蓬山
今渺茫留此些子在

明日二首

揚雄鉛槧握著王吉衣囊結牢明日睡餘支枕又聽石
罅撐篙

詩句蛩啾露夕行踪蓬轉風天直是下中人物無端三十華年

困溪舟中二首

客倡持襪作毛遂僕病雖痊謝未能未必洗心歸佛祖
先將戒體避摩登

龔俗愛聽絲竹肉鄙人只喜畫書詩心兵一夜排筆陣
白到東方也不知

自古田至南平山行三日輿中得六言絕句五首
荒雞號得夢醒瘴霧豁而日漏逕踏黃茅入山忽遇白

雲出岫

相值谷民來往盡穿樵路彎環斗折面前一徑重看背
後諸山

今日燒痕在地昨宵野火燭天草心雖灰未死松樹以
脂自煎

溪水作煎茶響山坡如披麻皴過客偶然取道清暉亦
自娛人

滄滄涼涼日出犖犖确确山深垂頭正續殘夢昇者登
然足音

延平津二首

一棹延平幾往還
銷沉寶氣見煙鬟
古來神物定何似
今日奇聞傳此間
龍去猶留衣帶水
津前賸看劍鉞山
張雷英鑒知難得
說與人人爲解顏

吳王墓上精成虎
雷子腰間佩化龍
已見張華投死甌
故知神劍要潛踪
冤銷牛斗今猶信
身作鷦鷯論未容
何似獄中天子氣
卻教邴吉得侯封

寄顧潔用癸卯年韻

君不見黑雲墮空散
爲雨黃壤着風吹
作塵兩忘燥濕

巧黏合不獨膠漆始相親矧子感我以意氣性情一本
同喜喚門邊骯髒得兩土里中品目如一人三年南北
苦相望歸來一笑眉頭伸剪鐙挽蔬對牀宿樂意奚翅
相知新子方跼伏不諧世我亦奔走難藥貧城東老屋
風雨破甚囂闐闐非我隣欲借一車載家具歲寒就子
江之濱豈知久客無安居飢來仍攜一束書饕風虐雪
送行李卻到閩越弔無諸無諸城邊客成列獨我新歸
復遠出適看春色欲傷情伏念故歡如昨日四年子實
兩送行百歲吾當幾言別客踪萍浮真足憐牢愁着根

獨不遷晝衝黃塵席帽底夜夢春水白鷗前念子天機
亦清妙不憂去作時世賢坐穴繩牀耕石田但祝膏澤
多豐年子得茲歌亦吾樂歸時同宅暮江邊

道中戲詠水碓

五杵並起引吭鶴五杵斗落鶴俛啄一機十杵互起落
有翁簸米尻盆高相舂不用呼朋曹衝波激輪水白勞
逝者如斯白日肝一石要舂八斗半苦將機事浼清流
更枉波臣輸白粲我聞丞相留賓飯脫粟腐儒糲糲亦
充腹或食糠粃更得肥安用潏潏運樞軸況有吳門賃

應梁伯鸞與夫太學客傭公沙穆正恐水力奪人工杵
臼之間生計窮

建甯試院偶題五首

奔騰滄海看橫流大雅之材詎易求
曼倩諛諧時迫窘枚臯骯髒類俳優

何人讀史辨三豕有客寫臯爲四羊
誰言載酒無從問此是儒先講學鄉

深坑可越緣王采枉矢能投是哨壺
安得三雍行大射鄉來觀德用桑弧

細書滿卷遇寒蠅曳白時披燵不勝免索榮谿廢牋記

鈔書夠

去聲課

一年鐙

蝨餐供帳減盤餐兩目眇昏硯滴乾將與誰何作嘆喜
七芋祇在筆毫端

建陽道中八首

埂外沮澤長活東倒芒麴麥熟薰風能從生物趨功者
偏是山村石戶農

溪流皺作方空殼岸草薰如生結香卻看露橈船放溜
篋篷倘比竹輿涼

擷盡巖英穀又芽綠秧刺水萬針斜山夫社飲榕陰底
聽到禽言第幾家

輿丁喘汗路迴環身到沙溪北苑間野店新茶知我渴
卻思顧渚是家山

赫赤驕陽焚滿坡山郵高蓋日經過野人觸熱亦無辱
長柄笠如秋水荷

說說之學習其師漢世精廬大啟時一變授經爲講義
相嗤正是不同時

卽將書院祀潛賢千里魚來想昔年爲事殷勤今有是

故當舉國笑其傾

目成山翠有佳色耳順風泉非俗音不知幽處正隔絕
客路入山那便深

旅夜不憖用孟郊體四首

百愁如百矢無弦以心控一發還射心愁矢妙百中噫
嘻孤畸人將燈與影共有輪轉離腸無膠續斷夢飢鼠
動承塵詎能答短諷

治生無鎡錡諧世失要領宦學費五年凡百啗畫餅苦
勞阿婆慈凋髮念谿嶺績鐙浪自光面壁無兒影焉能

摘船去不日破廳屏

馬瘦隴坻迴輪摧邛坂曲未信盈尺地捩眼看脣觸巡
檐瓦碎頭倚柱碣跼足德人履大方末塗苦偏促誰能
叱良御爭道向棋局

檐雨滴空廊一滴惟一音羈人坐修夜一坐非一心一
心亡故懷剩有愁相尋且披折縣衣自奏明徽琴咄哉
子野死虞韶成衛淫

連夜獨坐次前韻四首

雨墮作怒氣相鬧欲誰控鼓吹出塲場豈真律管中我

來負子影夜雨無與其挽此雙耳醒羈枕輟歸夢明朝
祝天晴應陽展晨諷

儒冠走四方如蝨遊袂領願師緣褶智家食甘糲餅祗
今愁送日八口隔越嶺涔涔浹辰雨過雁無匹影遙念
韭畦邊春來場籬屏

營生託鼠尾鄙事等織曲織曲履漢廷或與塵網觸平
生蚤聞道衣食指裁足姝姝將疾懷心長恐齒促且締
陶泓交投身向書局

韻馳逐風散皇琴爭賞音柴桑緬重華未湔離騷心昔

人不死處隔世猶見尋愁霖鳴曉霽聽作哀絲琴靜念
園林好陶奚爲久滯淫

六弟

浩

受書未竟潘功甫先生招往館齋借讀寄

二詩勗之

經術平生負本師少年不殖壯何知近聞弱弟能劬學
更喜諸賢足取資折墜宜循管子訓塗窓休逐小兒嬉
他時文體撫官樣還戒迂兄譚怪奇

菩提坊裏維摩老獵德陶仁卅載深善照不疲圓月相
清言能說落星心伊余牽物荒靈府喜汝披蒙聆玉音

改歲溪船如雇得侍投擁矢其追尋

顧潔困於小試仍用前韻爲寄

膠膠得失飛隙塵不知身與名孰親
俛顏求試適遭斥何異破關迎漢
噴世間百事苦眩人鼠飛爵化誰
屈伸大鈞鑄我作儒者弟合心地
爭日新鄙人昔年窮衙底十萬戶
中無此貧書喉生津沃飢火吐聲
滿家驚四鄰卽今息壤指溝壑猶
恨學海無涯濱今子楓橋之故居
破屋尙葢千冊書屋可搆來救薪
爨書要熟讀毋沽諸我生恥附衆
人列更望並世異才出看子墮地
挺奇標

落實呈材竢他日比聞踈足在環涂益用銷魂傷遠別
十年傲窮不自憐此意詎爲親愛遷勗子文追南宋前
砥節更躡東京賢鞭心墾古籠百籍千鍾會收膏腴田
奚爲噬嗑伐和氣添脂灼火煎百年我詩雖多不漫與
將子黏置書堂邊

丁未

簡汪六表丈

鳴球

二首

文名不登進士第詩律自升退聽堂比我獨無千里夢
倘堪發興答年光

性剛材拙淵明困孤貴失和方朔嗤回首秣陵同夜雨
當時未省樂難支

次韻寄答元潔並懷彥冲四首

江柳不留行去家割情戀羸書到海嶠生事困少賤空
多弟妹行出羣作孤雁遙憐鄉月明遑夢故人面羨君
潔漉蘭看母紉衣線還推遊子心知我感物變乙乙古
音詩欸縫趁風便吾懷欲有云乃向君詩見

營魂日推激百厭根一戀得知身不貲乃顧外物賤君
真山雌肥不逐候陽雁我今恩塵中勞生皺愁面將身

作紙鳶遠引寥空線小兒看成飛體質固不變攄懷欲
諗君少暇又罕便曷月余還歸盤間語相見

仲路奉高堂慍窮生外戀黔康偕令妻灑然樂貧賤古
人道實同有願執羔雁劉子古人儔相視可平面先師
所謂捐清節延一線金銷有石泐此士知不變觀其紙
上山直寫意所便外人拾鱗而真龍固未見

劉子慕看山我有間左戀兩人如易地孰以貴易賤君
看此兩人倘若鷺與雁鷺馴如劉子刷羽樂水面我爲
旅雁鳴餘哀寫弦線豈惟弔影孤直恐鬢髮變萬事非

故懷訪道徑差便煩君訊劉子迪我以高見

食荔支

村北諸盧早入城心期丹荔實將成及看月魄重旁死
裁有山童致側生獨饗故應無甚味遠來漫得藉爲名
卽時喚隻江船去正不籠歸也合情

龍眼復熟其質味不減荔支

瘴雲作雨殘暑融荔支摘盡秋林空枕榔楸欄但抽葉
漫如羽扇搖清風是時龍眼挺嘉實臭味適與荔支同
吾觀秦趙均係栢翳後楚人並祖黎與重亦如二果實

一族支分派別還同宗天生奇美自偶儷正如二妃鳴
珮湘江東又如太王之昭採藥去伯仲携手荆蠻中獨
生荒外豈無意欲免採剝羞王公古來進獻東漢始唐
羌之諫稱至忠天寶歲貢自西蜀騷煩驛堠疲人工惟
有遷流之士如斷蓬來與鳥都蛇種同春冬溪風海雨
正愁絕噉此試豁牢愁胸我今半稊復何事日穿篁箐
騰崕峴蕉田蔗畦屢經涉二果亦於林中逢白花至實
時物變思家更及園桃紅以身就食本非計不遠千里
甯辭窮明春浩然有歸志彼美倘欲留吾踪

題鐘巖石壁是日聞故人沈山人劉彥冲同時下
世

蒼崖拔地一萬丈何日劈爲雙洞門但看如堂如厦屋
焉知是土是雲根千年石佛無心坐十輩山樵着手捫
稽首漫求不死藥安能爲返故人魂

洞產鍾乳故云

聞沈劉二君之喪哭之逾日作二詩志哀

沈劉二君著清節但覺風流難可攀吾未見其有死法
天實爲之埋幽關志士不忘在溝壑世人遙望空雲山
從今吳市江村路歸去淒然獨往還

劉君避世但依母沈老忍飢羞乞隣同爲枯槁沈溺士
及我幽憂憔悴人意氣十年皆在紙死生異地合霑巾
何知旅枕懷歸日正是兩君撒瑟辰

尋龍巖洞

山勢龍從雲色開機輶策策破蒼落少人多石大是好
未擬明朝不再來

去龍巖州食於馬坑驛舍得詩題壁

荒郵土堠隻復隻斷岡草徑微乎微日散人影澹如畫
風鳴松濤涼到衣雲山變狀有活法蟲鳥作聲皆天機

兩旬掩戶太埶塞覺此蕭曠人間稀

芭蕉之實色黃而味甘閩俗用充果品其見於文
字者昌黎羅池廟碑云荔子丹兮蕉黃東坡潮
州韓文公廟碑云於粲荔丹與蕉黃蓋閩廣皆
有之耳昨過蕉田見葉間纍然下垂如蔬中刀
豆而層次櫛比者卽此果也戲爲其詩以當詠
物

庚桑正憂尸祝我蕉果忽雜肴蔬來其心非席常能卷
有味餘甘自在圓子厚退之皆得饗七閩五嶺實同栽

何當乞種家園去種作綠陰生砌落

天南一首

意興年光兩見磨天南霽零竟如何黃蕉丹荔番番喫
榕社篁村踽踽過鄉夢苦如殘燭短亂山甯比客愁多
明朝遊子逢初度目極煙巒自詠歌

得元潔書知彥冲已葬爲詩哭之凡五首

嗚呼吾友有劉君爲人純孝又多文如冰之清雪之潔
以膏自煎香自焚生當圖畫屈原廟死合穿圻要離墳
尋常豈盡識其美謂不異於古所云

維君畸孤復湛寂日居一樓仍掩關有時爲母覓甘旨
等閒寫出胸中山勝情妙墨猶照世甘節苦心自鐫頑
更能不死婦人手三十九年在下鰥

紡績鐙昏輟舊編孤兒將母隣人憐湯藥事終喪且病
祥禪服闋死之年卽今青簡例書孝何物黃蒿欲閉賢
富有英靈不銷腐爲吳山水發光妍

孤兒從母相繼死故友及門爲發喪兩棺入土骨肉盡

萬言在紙心氣光維蜀詩人不歸里

蜀詩人如李太白寓江陵山東池州

廬山而終於采石東坡欲買田陽羨魏野居陝州明楊孟載居蘇州皆未歸里

有吳君子同留

芳白馬會葬事則已但當伐石表其旁

少年末契失忠厚孤生在世多患憂君以藥言攻我疾
昔之鏡誠從今休會將酒澆墳上土枉用淚灑天南秋
明年青草便應宿問胡不歸豈有由

漳南道中有懷東海舊遊輒爲長歌

蓋天如一笠輿地如一毬風輪持水輪一氣吹之浮正
如坳堂杯水泛芥舟但有一塵棲世界孰從九點分齊
州世人行地螳旋磨謬謂南海北海風馬牛我今身在
天南頭卻憶去年東海上獨立蓬萊峰頂之飛樓樓高

夜上賓日出長風浪浪吹衣裘神山何有有碧海雲光

解駁煙霏收但見洪濤春天洲島嶼大竹小竹

二島名

出

沒如浮鷗山林宵分晦冥晨鳥鳴而嘲嘲安期羨門不

可接感動魂魄心煩憂我生如寄三十秋前日之日棄

我難爲留自從齊東歸忽復來東甌意行仍見地維盡

海若笑人徒遠遊滄波萬里送落日正爾不前胸中愁

南石湖北虎邱吾鄉山水皆清幽願且歸去卜隱處捕

魚種樹老卽休不見至人鉤鄰不走世八窓洞見天四

周笑我長年南北將奚求

仙吾堂詩集 卷四
將發漳州題寓齋庭樹

戶庭綠淨日光幽一樹扶蘇出屋頭
羈客兩旬成小住濃陰滿意作涼秋
從吾所好惟思飲樂子無知不作愁
將語何人勿翦拜來朝還去古滄洲

偶成

秋晚日光薄流雲時墮地庭蕉幾葉陰
掩冉上階砌索意欲闌沉沉門晝閉
海風吹雨來市聲落檐際

漫題齋舍

三羣二友跼然集釋誨抵疑意不宜
吾力猶能事錢鏐

致身期到牯牛前

嶺樹一首

我壯親方老年光共此時何堪多客興矧乃渺歸期嶺
樹入寒節湖雲勞夢思此間鴻雁少奚翅寄書遲

林薌谿

昌獮

有小體詩曰君勿爲名士名士本如

倡誰賞眞顏色空作野鴛鴦愛其淺致倣之爲

三首

君勿爲名士名士如寒竹搶地受驚風不折也須辱
君勿爲名士名士如驛馬瘦骨高於山萬里在足下

君勿爲名士名士如楚雅返哺力不及黃口又呀呀

永春州織畫成於女紅先以畫紙裁爲細縷更裁
他紙緯之織成而畫意不失可云工巧然荒本
業多矣

是耶非耶山水圖木石瓌屑人模糊細尋繪素見經緯
直與締繡爭精粗異哉此畫天下無誰其織者婦與姑
篝鐙昨夜響刀翦天孫下降璧月孤想當劈紙作千縷
如絲就線髮受梳天吳紫鳳恐顛倒拙手學製其難乎
我聞一女不織寒可虞女紅之蠹宜革除怪此織手費

工日作奇巧物爲人娛陋邦杼柚旣空矣營逐末利可
歎吁曷不織縑日一匹織素五丈餘俾爾夫有五袴兒
有襦

夢中

澹澹湖波瑟瑟秋夢中仍作濟南遊離華山色千何事
偏引寒宵一段愁

道中偶題

青蘿挂壁石崩落流雲綿綿出深壑空山朝來致足佳
彼何人斯倚草閣

福州王叔蘭

道徵

久困小試今見識賞作詩呈彭

詠莪表丈

蘊章

閩川名士古來稀

唐黃璞作閩川名士傳凡列五十餘人

此士如何困布

衣漫道東坡失李薦終看永叔拔劉輝文章鑑賞歸前輩人物權衡轉一機應有高才知嚮學榕村星火掩荆扉

蚶之殼如瓦墪土人呼爲瓦屋子時以入饌

蛤蜊之宗凡幾族維蛭及蜆皆碌碌蚶也兩殼起觚棱更錫嘉名曰瓦屋海潮落滌海沙濁得意鹹波生理足

何哉投身酒客筵沸水一卮賜湯沐含涎濡潤性非靈
閉口堅牢甌猶酷天教海國作羹材殮以薑鹽葬人腹
先生盤中惟苜蓿配茲俊味無幽菽苦辛旅食又一時
齊遊記瞰鼉磯鮓鼉磯鮓上鮓魚之所產也

倒次前韻聊用書意

操莽並嗜東海鮓應愧齊民無半菽寒儒一飽差可安
但與馬羣分苜蓿昔者更聞閔仲叔羞以豬肝累口腹
觀其所養見性真刻骨自治乃爾酷由來味道得宿飽
更要防情若新沐我生學道戰差勝誠得躬耕百畝足

故鄉霜降杭稻熟隣舍酒罍清復濁阿弟書來苦勸歸
屢道秋風捲茅屋今年塵輓殊未停輾盡青山走厯碌
待生春水買歸船免望高雲慚羽族

山谷觴字韻詩有天教兄弟各異方不使新年對
舉觴之句歲暮客中甚念兩弟和韻寄與各一

首

作客遠拋左右手澆愁全仗淺深觴飢寒豈在生年了
血性不隨天氣涼父歎母嗟書一寸兩昏鐙施淚千行
更憐吾弟支門戶荒學多緣食蓼腸

今年想似阿兄長能東新詩勸把觴旅食感深吾不寐
家衣寄盡汝應涼短檠鐙可支三尺小板書宜誦萬行
求友尊師皆要著卻防俗物置中腸

除夕題寓齋二首

造化將余充一民隨宜例看歲華新昨宵夢披鶴氅去
冲祐觀中爲道人

一歲三百六十日

後漢周澤傳中語

百年三萬六千朝

王建詩句

言身外定無物不可須臾離酒瓢

伏敵堂詩錄卷五

戊申

長洲江 湜弼叔甫

次韻寄答陳梁叔

克家

二首

追趨勢利竭馬力
翻弄詞章數鳥吟
莊生早知道喪世
孟子更謂人失心
消息卦非一身事
隱微病已七年深
君其首發振聾響
善歌不憂無嗣音

我所學者土梗耳
不盡披露於孤吟
時逢毛穎差快意
及遇杜康尤醉心
荒涂嘗矢獨往願
天機倘比它人深
君能寄聲致鐫切
敢當春禽流好音

李陽冰般若臺篆

在烏石山華嚴巖文曰般若臺
大唐大祿七年著作郎監察御

史李貢造臺李陽
冰篆共二十四字

我昔騎驢走京師又登泰山謁嶽祠周宣獵碣秦刻石

徃徃着手捫其詞南來更見李監篆華嚴巖上騰龍螭

石高字瓊駮觀者造臺李貢何人斯閩中佛法在唐盛

不由五代王審知

黃勉齋言王氏入閩崇奉釋氏
故閩中北廟之盛甲於天下

惜此

法書謬所施鸞飄鳳泊間名遲鄱陽釋隸不釋篆嵩山

石闕猶見遺况茲四絕在僻遠

般若臺篆與處州新驛
記紹雲城隍記麗水忘

歸臺世
稱四絕

誰其響揚供紛披更慨近時講小學畫疆分畛

爭毫釐祖禰二徐宗許氏掃去唐篆如殘棊豈知李監

自作手奄有倉頡史籀秦相斯

斯字人名故兩用

貫通衆體用

我法正如老杜開天詩不見昌黎論書喚俗姿譏訶不

恕王羲之獨藏李氏蝌斗本爲人作碑時取資是其學

貶原本可想見後人一概抹殺無妍媸卽如此篆命意

奇筆筆變化法不離或若蟲蛇勢縕鷹脅翼或若黍稷

垂穎露絲絲二十四字闕一斑證以中郎篆勢皆得宜

昔看武昌縉雲兩殘本紙麤煤黯欲讀疑蕪湖謙卦又

翻刻遜此元氣常淋漓今當三宿巖壁下重來披草敢

告疲且繼歐公石篆作不以六書管見輕相訾

絕句二首

詞語百車載陽秋一掃空向來惟俗物最惱杜陵翁
逐北旬五日圖南九萬里物論苟難齊以形分彼此

入世

入世奚能不亂羣隨人食宿且欣欣氣機方卻神巫相
道德仍防下士聞他日心情期入海少年志氣漫凌雲
朝來削蹟酬親故除是寒暄亦未云

橘二首

九土貢由夏后氏一篇頌附離騷經後來居上福州橘
壓倒江陵與洞庭

乍浦年年到海航十枚曾用百錢償客齋手擘知新採
風味何如在我鄉

橄欖

橄欖子熟秋深時樹高百尺誰擷之簋簠竹竿不及打

都籃矮梯安得施孰使自殞留空枝鑿根糝鹽爲法奇

因隨郎罷快捃拾包販郡國輸京師質嚴味冷能去聲久

馳曾不鹽去聲曬如荔支閩人藏荔支有紅鹽白曬二種世人內熱唇口

何晉堂詩集 卷三
燥收咀鮮味生津滋信與餘甘有瓜葛吐核到地方見
思嘉名旣錫挂書冊桐君藥錄騷人詩豈知此木以果
病白柄長鑱根是蠶酒邊茶後見嗟賞未償林下凋霜
皮況有傖夫噉澀口反頌崖蜜甘如飴投人嗜好理難
一自戕徒受莊周嗤君不見青徐二州干樹棗纂纂紅
皺霜風吹有味作甘亦苦性年年剝辱枝柯披

將去福州徹夜大雨

約擔簷雞唱浪浪夜雨霑愁深明日路憶在故鄉聽起
起呼洮水匆匆撤枕屏山程吾欲畏滑澁况輿丁

湯嶺觀雨

異哉氣母散白霧溟濛蓬勃微乎微漫天四塞失萬象
宙合無物供瞻睎山腰澤腹既莫辨衝寒一徑霑裳衣
俄頃氣機自鼓盪但聞檻泉涌出水激礮洪淋淋焉雨
交集紛總總其雲亂飛天如右軍之池泛水墨山如南

宮之石暈煙霏宛然一幅梁壑畫

亡友劉彥冲自號梁壑子

醉膽一

潑松煤肥丁頭鼠尾化於墨筆意不受皴法羈我生不
學畫對景空歎歛卻思梁壑平生長掩扉分無此景入
其眼乃能寂照一室關天機亦知凡學貴冥造不用如

我南北驅騑駟當前雲物况易失朦朧着眼所得稀煙
消霧散意中事詩成聊用忘朝飢

題驛館二首

叵耐湫囂地多撓冥寂情鸚狂言並貼雞驚食還爭
馬廐非講肆牛宮漫讀書逼人誰最甚與隸恩齋居

羅源道中

雨意衆山巔霏霏混遠天半巖微辨樹絕谷只聞泉鳥
道細侵竹雞聲深在煙峰迴開驛館遂宿溼雲邊

次日不及赴驛投村舍因睡輿中戲爲一詩

入春反覺夜加長
儼向仙人乞睡方
復此輿中成獨宿
寄於車下守輕裝
動身蠢蠢蠶居繭
露腳垂垂蜂在房
卻夢身爲蹕道士
坐穿木榻穴繩牀

白鶴嶺

茲嶺與雲齊
連峰窮上躋
忽登半天上
如蹋衆山低
急澗直趨海
輕雲騰上溪
蚤來逢日出
想復聽天雞

甯德道中

豆花油菜百塍田
灘鴻飛來破碧煙
行盡青山見溪水
忽如卵色五湖天

福甯

亂雲合沓水驚厓
閩浙之交一郡開
地盡客浮溟渤去
天晴山自永嘉來
浪遊道里隨時遠
獨學年光復我催
今日土風成歇絕
海隅翻恐有奇才

寓齋隔舍有習舉業者吟誦達旦戲題二詩

潮雞未鳴烏在栖
海蟲噓氣殘月翳
深宵何人誦帖括
隔垣一方如耳提
初聽閣閣穀犬叫
倏復鉤朝嘯竹雞
肉音轉喉根氣海
想見膊聳肩高低
鐙前鬢影更凌亂
一頭兩搖東復西
后皇降材不擇里
日南韶石賢臣起

閩川名士況夙聞理學一源導羅李惜哉貫珠非六經
蹇淺倣神徒爾爾君不見呻吟裘氏有鄭人三年爲儒
適殺身齊桓讀書昧糟醜騰笑還來老斲輪

寒鑑不受塵盪棲此心獨爲物欲翳豈知騰身霄漢者

司命作力空中提羅窓山鬼笑參政微時枉作長鳴雞

明時有一士人於山中讀舉業夜聞鬼唱日
讀亦參政不讀亦參政後果以參政卒官數十寒暑

人壽齊智慧不再晚日低夜中戴天笠底黑孰闕斗柄

占東西故閩道素接闕里淪寂餘風今不起智愚相去

幾籤程正要聚糧篤行李我來求友意常勤眼閱千人

成筦爾慶元大儒新安人鉤邊深衣穩稱身夢中見授
書百卷勸我歸讀息征輪

懷薛明月

有引

閩人舉進士實自薛令之始令之開元中爲東宮侍
讀時官僚清澹因作詩曰朝日上團團照見先生盤
盤中何所有苜蓿長闌干飯澀匙難縮羹稀筋易寬
祇可謀朝夕何由度歲寒後遂謝病去其詩雖滑稽
其風趣可想見韓文公言閩有山泉禽魚之樂雖有
長材秀民未嘗肯出仕豈不信耶令之字君珍號明

月先生本家長溪其廉村故宅今隸福安予過福安
爲此詩也

臺城應教人

用

齊梁爲貴遊隱囊高齒屐容飾事風流

如何開元中一寒若羈囚苜蓿非美茹曾栽漢宛秋似
餘大宛馬卻充人膳羞薛君起南國本家山海陬掬蚶
刺蠔蜃飽食猶易謀因之自謫諷續泛張翰舟廉村何
寂歷雲荒古渡頭閒居知幾年今日爲前修仕宦易失
已伊人輕去留誰云詞科士高風今莫儔

福甯寓齋雜興二首

一州千嶺外東去逼滄瀛山勢合諸島天邊孤此城海
潮乘夜入春雨假雷鳴總爲江南客多方發旅情

瘴鄉恒燠若雨郭獨淒其二月春將半百花開過期霍
重寒食路太姥夢遊詩適有孤懷寄時人那用知

檢行篋見彥冲畫卷作二首

設色之工曷貴乎此人此筆古爲徒無身可贖金石友
有淚卻霑山水圖

人生豈敵墨君壽墳土忽先晝障乾右臂化彈誰及料
昔年落筆響風湍

由福甯歸至福州道中雜題五詩

筠車嘔啞山日曛斷岡一折徑路分犁田見諸屋廬上
春米隔着篁竹聞百泉爭瀉并爲洞連峰一截半入雲
行人試撐油紙繖其雨其雨禽言云

冠箱衣褚爭牽扛青山斷處人聲哢向船喚渡水答響
看鷺孤飛影作雙行蹤忽到長溪縣煙波似我吳淞江
當前歎服老漁子不以千金易釣缸

似煙非煙霧不開我姑陟彼山崔嵬千峰萬木雨中立
懸泉奔瀑雲邊來日之夕矣僕夫怨客何爲者居民貽

看取菴僧閒處走一雙
鞦角印蒼苔

朝陽破霧升危岑
下照隔溪高樹林
巖巒看成着色畫
松泉奏得無弦琴
一鷗鑑影田水活
萬竹捎雲澗戶深
行泥叱犢者誰子
居山正爾無機心

疊嶂鬱作羣山雄
百里不復風煙通
舉頭青冥看巖巒
倒景雲壑凌空空
幾盤足躡飛鳥上
斗落身在寒溪中
雞聲人語又一境
試顧翠壁蒼煙蒙

偶作歸計友人作詩見送
口占爲別

君家彭蠡右我家震澤邊
相逢治南地聚首餘一年一

年樂新知會當小別時我歸喫楊梅君留噉荔支荔支
風味好君作新詩道他日重來遊從君問詩稿

彭表丈囑於秋間來至建甯並作文見送呈三詩
爲別

無田詎可占家食作興仍當賦遠遊除卻親慈無足戀
平生未解女兒愁

欲購麻沙里下刻建州秋日再遊時旁人卻笑一來徃

錯過吾家綠荔支

福州荔支以江
家綠爲上品

辱賞年來爲學勤送行誇說復云云老親夙有譽兒癖

當見掀髯讀此文

臨行羈事不果得歸

結伴還鄉計已成今朝卻自送人行
歸心付與國溪水爲我西流向浦城

小妹

小妹髮垂額將笄特地長停鍼從母後淪茗與予嘗忽
悟家千里依然夢一場燈光知有佛的的照還鄉

示客

鎖眉面齋壁吾貌誠不妍從君飽而嬉吾亦何得焉嗟

吾實樸僊本家江湖邊舊學於老圃志在十畝田未料
持面龐欲到英流前孤踪如處女客閩成一年隣房朝
復朝敢不知所訾期君捐細故頌君爲高賢

難得

從人唾面婁師德避客揮拳劉伯倫難得蕭齋成獨坐
相看蠻樹着濃春

楊母薛太君輓詞三首

皇天留正氣忠節著危時婦道無成者垂名乃若斯
哉楊子母鬱作女人師應待劉中壘纂爲萬古詞

夫歿家先破當年降割深孤兒危得立哀戶患方侵再造存楊氏終天餘苦心詎惟松柏操爲慰九泉沉庭際麻衣日淒涼總帳陳損心猶作範享壽不能神我共賢郎學早充末座賓明年及會葬灑淚轉車輪

近日得三絕句適梁叔書來因以爲寄

鉤膝伊唔孤燭前不緣雜學愛陳編向來見見聞聞少謬謂古人非聖賢

禪板蒲團不動情如予亦自有平生青雲遙指伯夷傳

萬事鵝毛輕復輕

曾景極贈蔡西山詩青雲伯夷傳白首太元經

歸哉歸哉曷月歸
蕉葉窓前換袂衣
失喜故人猶憶着
尺書肯趁馬如飛

贈王叔蘭

王氏全盛開平中
割據略與錢鏐同
手勦塢廟猶翔空
慨焉想見一世雄
君其苗裔今何窮
獨餘詩格唐人風
蕭然門街一晦宮
湫器近市聲旺旺
蠓牆破剝溼氣通
妾不附珠子索綯
出無蹇衛飯有葱
兀兀坐老殘書叢
孰來叩戶惟詩翁
十年不遇彌疏慵
義弗干請生面紅
儒林丈人隴西公
手持虎節仍乘驄
天子命之來發蒙

取士不取聲貌工春風偕坐冠者童論學斷歸程朱宗
喜君食貧道氣濃良璞不待多磨礪招之斯來貌躬躬
吐露術業夙所攻三山舊志羅心胸閱書聞紀知折衷
腕底箸錄尺半崇鄉邦文獻多牢籠看君命意渾且忠
庶幾不醺世味醲我聞德人心謙虛器成而大寬有容
日損日益皆新功道在筆端無虛鋒君更着力難追蹤
他日寄聲驚吳儂

絕句五首

家在蘇州烏鵲橋書來誦慰客無憀將身供事常干慮

有志爲農匪一朝

平生能敝幾羊裘寒往暑來長客遊三十一年成底事
徒知催白老親頭

夢裏孤墳兩石交種松漸可誰營巢還聞楊子滿衿血
隨着葬師走四郊

小浮山人

功甫先生
自號也

德性尊宜有學如陸氏昆提起話

頭饒益我歸時第一打渠門

白日易盡那須遣青鐙作計又成癡此生事事合理會
漫讀江湖小集詩

雨窓睡起寄懷汪先生

棟花開時梅雨霑檐滴日作糟牀聽鳩鳴屋山蠅聒庭
上壁蝸涎繆篆形戶樞蒸出菌數釘書牕生醖劍生銚
寓公避溼門半扃毒氣薰體兀不醒憎衣袂延厭食腥
勑繡卷册捎乾螢那復居敬常惺惺頽然支枕面漆屏
撥鑪燒朮煙穿櫺助以艾蒻發微馨無端闔眼飛心靈
夢升君家故屋廳縱譚劇若翻滄溟倒腸爲我說六經
揮稽異字加考訂君之舊學夙心銘夢中側耳無聽熒
覺來懊恨神不甯僂指石交感晨星沈君宰木竄輿論

劉君醉魄復沉冥嘉言遺稿空典型終天不成化鶴丁
與君各度卅餘齡宜及未老致叮咛相鑄以道爭礪礪
況我輓如水汎萍陸車嶺轎江湖舫隨身柳栗同始塈
耳際定欠要道聆深愁擿堦譌畦叮君其屢書附飛翎
匹諸骨肉常眼青

末利花二首

籍甚聲名艮嶽間留芳猶破客寮閒眼前只有伊蘭臭
疑是移來末利山

疏星小摘十餘枚紙帳宵深也自開素欠雙鬟香入夢

不應振觸惱人來

座右雜題六言七首

磨牛腳腳陳迹
笄鳥聲聲故林
漁具幾時到手
鬢毛獨許知心

眼勦三千書牘
心如八十老翁
夢武彝冲祐觀
憶勞山上清宮

意境六張五角
情涂百徑千蹊
試與支離作友
仍邀法喜爲妻

塵勞山下息影
煩惱海邊避風
欲究孔門真樂
誤成釋

子頑空

日輪作銅槃響象牙如蘆菰根自有衣珠不索將毋心
鏡全昏

猶幸非瓦學士可憐爲木老人漫欲運量斯世不能康
濟已身

梵書付之一炬木佛燒卻幾尊向來隻手排道今見三
車在門

曉坐

結得跏趺息百回心心相續幾曾灰雞鳴直是惡聲耳

又喚堂堂一日來

彭表丈屢賞拙詩抱愧實多爲長句見意

筍輿篋舫兩年間苦調勞歌不盡刪豈可向人獻窮狀

山谷云詩來獻窮狀此用其意

更令讀者損歡顏

嚴滄浪言孟郊詩讀之令人不歡

旅

懷伊鬱孟東野句律清奇陳后山他日無成還志短詩名幸與二君班

題跋叔詩稿

彭蘊章

盤硬昌黎句翻新山谷詩兩賢生異代隻手在今茲
刮目三年學傾心一字師夢中誰授筆使爾冠當時

飯鼓山湧泉寺午後至國師巖觀蔡君謨朱文公

題名

一飯蕭然巖壑間
幽尋且復出禪關
竹松交影不通日
僧俗同遊各看山
巖色自蒼雲色變
泉聲雖鬧鳥聲閒
當前勝致應猶昔
安得古人相與還

初瞰福州荔支

齏牙新荔澣酸漿
今夕端應夢故鄉
若得嶺南不憶子

緘封便寄老親嘗

廣中荔支有名不憶子者蓋極言其味之美足以奪愛耳

荔支核有小如丁香者乃樹之病不能再實耳土

人反以瓢厚貴之名曰焦核荔支卽蔡君謨所謂
焦核也又荔支蒂中多小蟲實以太甘之故
戲題二詩

擔上徒誇焦核佳厚瓢味與衆人諧誰知美盡根株病
格物翻教惱我懷

物先自敗後生蟲石貝

荔蟲也

知甘在蒂中我欲濡豪頰

苦李繫而不食待秋風

日瞰荔支間爲小詩凡六首

受命生南炎日暄虛名誰遣達中原漢宮唐驛皆非性

醬鹽

去聲

蜜煎詎不寬

楚詞橘頌云受命不遷生南國兮莊子云受命於地惟松柏獨也正

蓋草木皆具天命荔支不生中州其以此乎

毛詩草木儘堪疏好事風流另敗塗可惜鄭熊能作記

祇今但說蔡君謨

君謨譜閩中荔支三十二品鄭熊亦譜廣中荔支二十二種見吳曾漫錄

又書錄解題載荔支故事一卷增城荔支譜一卷皆不著撰人姓氏蓋文字流傳亦係其人耳

君謨久作莆陽土荔子年年不斷香屋外玉堂紅一樹

今時能復倚斜陽

君謨故宅荔支有名玉堂紅者云是當時舊物陳直齋官甫田猶及見也

徐家譜繼君謨作如太史公系帝王豈識荔支能變種

人家子姓要分房

君謨譜中如陳家紫方家紅之類皆以人姓標名至明徐興公復譜荔支

已不可識別蓋荔支變種而人家遷徙興替豈能考見於數百年之後耶

欲齊物論學南華果實品題底用譁堪笑東坡習氣語

荔支莫信閩人誇有以荔支謂粵勝於閩者有謂閩爲最上粵次之蜀又次之者其說不一

朱竹垞云粵人誇閩人誇閩也

好詩題從朱竹垞僻論發自毛西河長慶寺成芳草地

百年逝者似驚波竹垞曾來福州有長慶寺瞰荔支詩并題壁云云今其寺已廢荔支亦無

存矣又西河生亦來閩中獨言荔支之味不如蕭山楊梅

向晚獨出於城南展眺

孰謂窮愁有百年興來聊學古人顛寓齋向晚率然出

勝地當秋元自妍
海碧乍沈山下日
霞紅半入水中天
分明雲物殊方感
卻悵相逢無昔賢

夢中示沈山人劉彥冲

有序

七月十五夜夢山人彥冲同集一室談笑如平生因
作詩示之二君皆嗟歎且言君學日進詩更佳也醒
後挑鐙追錄尙得其全

從君聽取絕弦琴
古意深微覺可尋
九死勿爲名下士
一生只喻友人心
寥天見月自精彩
汗澤興雲終陸沈
何物更爲吾黨事
卽時俟我碧山陰

八月十四日題

變變涼風滿林重逢海國秋深三十年前呱泣二千里
外歸心

舟中卽事

舟次響琵琶殘粧倚碧紗雙翹金齒屐一鬢玉簪花蠻
語能撩客吳儂苦憶家爾生飄泊者亦在此天涯

宿黃田驛

泛盡困溪百里舟黃田驛舍忽勾留巾箱隨我爲孤旅
客夢還家經七州露草連山蛩咽月風林疑雨葉鳴秋

慈親今夕如垂念知宿天南第幾郵

得元潔書知其居喪之況爲詩寄之

嗟君潔養白頭母今年遽奠靈筵觴口轉楞嚴一瓣香
菜羹在案忍獨嘗卅年啼笑不離邨一旦繞棺寸斷腸
自我得友劉沈楊不復結客少年場那知劉沈旣死別
君更泣血執親喪憶昨讀書未越鄉攜劉及沈登君堂
茅容殺雞不爲客陶母留客自傾囊母賢子孝良友集
君知此日不可常營墳事嚴卜山岡且任流塵委琴牀
涕泗中間人百忙一門變境感滄桑還聞首經走皇皇

但求此心發天光哀慟窮苦定不妨夏峰孫徵君嘗言自雙親見背於哀慟窮苦中證得本來面目覺向來氣質之偏吾於元潔有望故引此意少時樂事願相忘君不見歸者鄙人發興狂年來閱世識行藏如在枯禪瓶盞旁

去延平

滿城曉夢客初去小飯驛亭雞始鳴一鉢一囊如衲子三年三次過延平

驛旁楓樹一株霜葉紅豔在蒼山碧樹間如着色畫本賞玩不足系以二詩

霜淞染出夕陽烘二月春花早避紅猶恐孤生難入畫
托根官綠帝青中

我有秋山行旅圖巖腰紅樹偶然無欲粉丹砂添畫此
故人袖手下黃壚

謂劉彥冲

山寺夜起

月升巖石巔下照一溪煙煙色如雲白流來野寺前開
門惜夜景矯首看霜天誰見無家客山中獨不眠

建安道中

宿靄連山合溪霧曉行百折溪前路霜泥踏過不知橋

聽得打篙一船度

彭表丈重整考亭書院檄學官爲之師籌其經費
甚備將賢者之後得以一力於學湜與觀成賦

詩四首

東周開聖學南宋繼儒風邑以徽公著名將闕里同唐

人先壟沒

唐侍御史黃子棱作亭以望先壟名望考亭考亭之名里本此

陳氏畫屏空

考亭里中陳氏朱子爲作聚星堂畫屏贊見文集

魏煥看祠宇當年一畝宮

書院何年築遠懷劉克莊庭中虛講席室右尙經牀使
節新來謁深衣儼在堂慨然興學意於道有輝光

孟縣昌黎裔廬陵永叔孫自來賢者後歷世大其門朱
氏源雖遠儒宗澤尙存況今承教育弦誦徧山村
奉席親師範先時頗未能耕春多綠野課夜少青燈文
史今爭習門材會勃興何當傳絕業賢域是攀登

道中偶成

四望山如碧玉環小村誰住茅三間黃泥坂斷人不到
白竹扉斜風所關彼喬者松動古鬣其下維石露蒼顏
荒寒大意孰來畫鐫琢小詩吾正閒

重過建陽

地迴風清不動塵我行木末復溪濱水天雲日共晚照
性命身心懷昔人欲去情餘千載慕昨來迹已一年陳
踟躕絕學還增感勞此人間易盡身

建陽道中又賦二詩

昔賢不我見行盡好溪山何處尋師友頻年費徃還樹
客迎臘換雲意向人閒待訪遺書得歸吳學閉關

山水趣難兼武夷勝皖瀟半程知近在九曲想幽潛吾
道朱徽國仙家白玉蟾遺踪虛一訪俗駕信多淹

曉行有作

灘水寒猶瀉溪雲曉正飛風聲轉危石霧氣透征衣驛
路方行轎人家尙掩扉百程持一口身計儘知非

道中雜題絕句共錄十一首

茶戶門前水碓聲過橋晴色趁人行山依紅樹美無度
雲入青溪洵有情

苦竹敲簷筍出泥破籬笆下透雛雞山農於此有至樂
打穀在場兒亂啼

荒山舍後足樵薪高下人家置屋勻溪水到門鳬泛泛
晴波影動搗衣人

溪水夜明山月大離亭燭盡客懷孤布衾向我有餘暖
契分年來若此無

新穀既升孫稻在牧人乃夢母豬行村民氣靜溪逾響
聽作松濤着耳鳴

暮靄初生隱翠微歸禽帶影入村飛一峰障日數峰晦
尚有溪船好曬衣

山雉追飛噪夕陽百年孤木一枝傷草深徑窄孰知墓
踈足有人怒石羊

水空橋下沙爲路煙起雲邊山有人臥樹隔溪知半死

奔牛入草見全神

荒荒驛壁月斜臨山鳥夢中穿過林一枕灘聲猶在耳
不眠更着曉寒侵

醜樹掀根岸善崩一船只受數人登驚灘急轉猶安坐
漁釣可知吾最能

三朝三暮短長亭歷歷風光記所經身與溪流將百轉
眼逢山色故同青



